

紫峴山人全集

紫峴山人詩集卷二十一

湘潭張九鉞度西著

姪孫家栻重刊

太行集

韓隆甲辰乙巳

先生既至大梁劉淑庵太守訂洛州之遊門人熊東川宰陵川聞先生至遣使迎之數月歸著太行集

入太行山路

暑雨初滿谷，郊城聞鶉鳩。初日稍稍來，鮮霞漾河流。密林交大竹，衆香滴不收。行行籬落多，適引羈興幽。廟階聽石泉，坐受蟬聲柔。瀟風山果墮，寒意先新秋。仰視雲出入，羣峯湧如浮。雌蜺下天壇，濛濛挂懷州。吾將超塵埃，高飲沆瀣遊。

上太行五首

孟門峙其東，羊腸盤其西。我行破中堅，青壁吐虎犀。初疑無路入，稍喜得勢躋。崩崖開大谷，身挾火雲齊。螺旋錯石煙，蟻附爭坂泥。

誰知巉巖間，禾黍搖高低。人家出陶穴，恍忽聞午雞。趙魏爲門闌，幽并此階梯。千古厚胚渾，萬象供提攜。精神飛天地，浩浩無端倪。灤坡到頂窮，峯敞勢向南。解鞍藉石坐，摩拭天詩藍。茫茫大神州，灝氣皆包含。雨繚赤日光，不辨吳楚嵐。黃河委襪綫，嵩室露筍簪。其餘窪與稜，黑白點兩三。萬竅忽怒號，衝風鳴布衫。慄矣不敢停，前途遂幽探。

太行五千里，橫亘但一石。石上起萬峯，澶漫不知極。白雲在我南，時復在我北。幽深中鉤連，奇詭外裂坼。郡邑附尻脰，關塞拒肘腋。彩蒸媯皇窟，晝夜無停息。旣窮夸娥移，復少巨靈擘。裘延盡東海，三月猶見脊。人不鉞陞升，安識扶輿力。家杜按曾大文湘帆公新修曲沃志東陘山在曲沃東北六十里發脈太行界連翼城水經注天井水出東陘山西南北有長嶺嶺上東西有通道卽鉞陞也穆天子傳曰乙酉天子西征鉞陞之山也鉞陞二字本此有後作人不緣陞升者非是

日落羣羊間風生飢蟲後涼霧薄蒙茸晚得柳樹口丹谷舊戰  
青壁尙蚴蟉血鏃銷沈沙長壑鬪慘愀丸泥未可封甌脫孰爲守  
塢堠今已頽扞掇無刁斗黑天星倒垂參昴摘以手中夜懷  
不寐起搔首柳樹口卽今丹谷北魏建義三年鎮此谷以助高朱  
北都督崔伯鳳戰沒於此前明流賊老獬猶守此柳

樹口入陵川附  
城遂莫延晉南

峩峩十八盤削壁仰無垠雄風吹白石積雪盤長堙前登駭朽兀  
後緣恃逡巡環道繩交密心膽皆嶙峋煙動似見廟樹移知有人  
東雲西雲影出坎入坎身履之愁飛搖欲退躡者噉來去兩呼嘯  
急若敵軍震數武清泉香詎敢潤焦唇爭花喧亂蟬嬉艸跳銀麕  
吾老何爲者行矣不復陳朽兀用漢應劭  
登泰山記中語

### 峯頭堡

建州懸坂萬峯巔坂盡峯平見陌阡三晉河山分隘道八陁冰雪

壓炎天人家石磴離離艸老樹神祠點點煙身在桃源圖畫裏不

須王屋問真仙子叔湘帆公兩自山西陽曲有吏治時人呼為土屋仙吏

附城鎮芙蓉峯半

蓋州城勢逼芙蓉路轉光狼市關重散澗牛羊斜照亂盤天人馬

細嵐濃晉王壁壘餘顧脫陵國山川舊附庸新燕營巢蟬噪樹更

將時序問村農陵川即春秋陵子蒔胡國隗姓

栖鳳望陵川城

栖鳳掌陵川西高峯大行絕頂二仙壇在其下

排空浩浩只風聲六月清涼接上京上黨中蟠三百里太行絕頂

一孤城掌懸栖鳳花爭繞符湧蒼龍客獨行欲借盧敖青竹杖萬

事踏徧趁秋晴

至陵川二首

陵川熊東川明府迎居崇安寺

故人知更近山署隘如何

他本作山翠衣多

迎我栖香刹相攜上薜蘿堂

懸飛鳥背城臥白雲窩政治三年洽來聽在野歌

絕巘多琳宇飛甍俯白陁煙霞穿地溼鐘鼓通天青廚有伊蒲饌  
階餘石竹馨問奇來載酒卽是子雲亭

崇安寺古松

寺在唐時名丈八佛寺

陵川多松樹窈窕壺關連百尋始有枝勢若翔鸞翩古寺更輪囷  
其大蔽牛全獨對丈八佛橫撐尺五天纓髯倒擎風龍甲荒皺煙  
根蟠絕磴怒影蓋斗城圓炎曦走避之其上雷雨懸欲攷雍州始  
不記隋唐年惟與老人宜晨夕摩挲憐呼童拾莓苔支枕聽濤眠

石世龍墓歌

空林月黑鯨吼急長嘯無聲髑髏泣風吹短蒿蕭蕭立魚龍髮際

英雄姿二十四郡，  
獍獠深山夜葬胡。  
以為陀之秘墓，  
操疑塚老梟欺天。  
死不恐殘骸餘腥，  
仗佛寵金蠶不出火。  
不入更千百載，  
朽蛟蟄問之塋鈴。  
語咽澀豈真霸業比高光，  
豈真魂魄依武卿。  
趙王趙帝神使藏君，  
不見黃頭鮮卑洹河掘高明。  
觀裂石虎出，  
怒鞭三百虎流血。  
家拭注石勒武鄉人因晉亂起兵據都襄國自趙王墓在崇安寺左相傳真塚在佛座下傍乃真塚

登古陵樓

古陵煙寺俯城端，  
樓倚青山勢鬱盤。  
遠近松桑平坂合，  
高低禾黍白雲寒。  
風清朔郡先秋入，  
日下中條帶雨看。  
我亦浮生無住著，  
淩空便欲逞遙翰。

自崇安寺移居書院郝文忠公祠

秦子別業址空懸，  
郝公祠堂花正妍。  
無今無古日生石，  
不雨不晴雪上天。  
霜雪燕臺入作入付魂夢，  
山川晉國供流連。  
高秋更尋小有

洞坐看萬里洪濛煙

秦畧店邑人具別業今在寺旁

謁郝文忠公家祠示其裔孫秀才棠

吾不知太行元氣何起復何止靈娥移不開神禹鑿不死鬱蒸磅  
礴幾千年迺令郝公受之起陵川郝公家住太行脊讀書鐵佛雄  
燕國九千四百八十仞元氣耿耿貫天岐寫爲深醇博大之文章  
生掣騏驎翳鳳皇宗工冠代開矩矱其後始有虞揭與柳黃宋家  
無罪不可伐生靈塗炭何時歇請使乾坤鑒苦心移文神鬼同悲  
怛手提藜杖珊瑚紅飄然鶴背騎天風藜杖公傳家物有藜杖詩至今畫圖紛  
赫耀虎符金印乘花驄木棉姦鬼何足數李愬報怨帶刀斧塹墉  
枿棘夫何爲齧雪吞氈孰敢侮十六春秋鐵石身卓然太行孤砥  
柱天教蠟帛中原達白首歸持子卿節書百卷歸之滿盤鼎  
臣臆中血我昔遊真州弔公忠勇新營之氣樓夢中瓊花一萬片



仙雲猶落長江流

公在真州有夢瓊花詩

今來陵川城樞衣謁家祠白楊漚

雨雙屹嶼神門白日蟠蛟螭思其清麈望弗及惟有太行凜凜祠  
前立棟華堂香醞醕落雁池碧汪濊裔孫揖客挾山箱也似荷衣  
初出拜大儒包孕焉有窮長與太行作華蓋遺山學士去無跡鶴  
鳴老人招不得狂歌寫壁公應聞知余亦是太行客

六月十五夜偕王渭川吳釣煙登古陵樓望月二首

捲地南風吹石開冰輪驅上萬峯來陵川好住清涼府莫過高歡  
避暑臺

晚翠迷漫碧漢重水晶樓閣蕩溶溶停杯若問來時路長挂天壇  
第一峯

菊嶽山憩龍祠

菊嶽之山陵城東萬松撼撼挈陰風浮圖矗漢虬蟠雄欲駐不駐

炎曦紅龍祠俯瞰三溪立迴合青冥衆峯揖丹泥壁于綠瓦溝火  
雲化雪雪不流靈簪天外忽一動三河渺渺皆清秋蜺旌獵颯紛  
颿舉哀絃急管烝徒聚鼓聲似打錦屏翻花殿森沈龍欲語汝無  
捕風擊雷澆魃母誠召天和降福厚不冰不霰不疴疴享汝桑盛  
醉汝酒不見旋旌闔廟廟有聲夕陽沒地長煙生澤路畏旱與冰  
電捕風擊雷澆

早魃產母  
皆其惡俗

### 懷元遺山先生二首

一代元夫子蘇黃以後人泰和隨父至科舉得師真膝上王文度  
山中井大春西溪圖畫裏老去爲傷神

浩蕩名山氣天分寓客收詩題箕石去巖有聖燈留白髮悲青史  
斜陽望蔡州蘭成千古淚袞袞大河流

### 東郊偶步

磴道盤虹曲，神宮接翼新。  
槐花蟬噪急，艸色鹿過頻。  
亂石三雲路，深山六月春。  
還鄉宜遠眺，滿眼謝紅塵。

海鹽吳鈞煙畫雲峯飛瀑見貽賦謝二首

萬仞天壇翠，飛來墨沼中。  
圖成洪谷子，人是顧逋翁。  
聽去泉流濕，懸之館壁雄。  
祇愁秋雨後，龍起晚堂空。

泉流原本作泉紳

老挾河山筆，蒼茫晉國來。  
曾穿句注塞，獨上白登臺。  
長劍雪三尺，名花酒百杯。  
茲卿同作客，把手重徘徊。

曉登濟瀆廟高臺遠眺

朝暉裊裊上花竿，泣氏城西第一壇。  
衆水東懸奔大陸，萬山北折抱長安。

陵川境諸水皆趨漳衛而河太行山勢東行至岐川壺關始折而北

邑從秦趙爭時變，地在

春秋傳裏看。可惜寥寥金石盡，行人蒼莽獨憑欄。

立秋後五日同王渭川遊鳳山西溪二仙壇靈泉諸勝四

首

元蟬一聲溼雲圻，太行窈窕皆秋色。紛紅駭紫不可窺，日射千條萬條祿。主人爲我理遊事，酒榼茶鐺攜小吏。山香匝匝鳥間關，並馬冥冥入空翠。

萬松多風山倒湧，拄杖撥雲雲不動。雞鳴知有二仙壇，暝踏層梯雙柏聳。霜皮雪鬣太陰垂，高不計尺五十圍。入門狂叫巾幘落，祇愁突出黃龍飛。

金支翠旗花氈竿，紅裳繡履高以寒。龍函鳳籙夾捧立，侍女劍珮晨嬰冠。溫兮春風肅秋雨，三千餘里望乳哺。微鐘裏谷柏子飛落，日陰房竄蒼鼠。二仙陵川張氏女奉後母孝唐時騎黃龍冲舉晉中勅封冲惠冲淑真人西漢廟貌甚鉅今奉祀九宮

白雲半出栖鳳掌，雨意泉聲挾人上天門。下狎虹梯懸地乳，橫飛

龍首仰

出石爲龍首永寧中與小池澄碧澗琮玉無底西溪界

長綠再來秋月待中天共攜襆被潭邊宿

陵川述古八首

廣咎如境接吁辰潞國驅之哲主臣兵甲常窺天下讐虢貪更與

晉東隣拜戎事比勤王急獲立功同繼霸論惟有英雄隗氏女亡

人患難此昏姻上黨春秋時并狄各種所居陵川爲晉如地

銳頭豎于興師日奇正交攻倚太行秦晉已教封餉道趙人何以

誤空倉星傾大昴愁雲擁鬼哭高臺落日黃欲訪將軍堅壁地丹

河西望水茫茫

邑東北秦嶺自起絕趙餉道處防備嚴屯軍地乃河源出發鳩經高平境自西北而東南水色

丹如

馬武城蟠百里危半空漢帝閃旌旗獨穿長塹臨青犢直下三河

掃赤眉急勢扼襟方得險老謀批卻更成奇陵川豈是間疆索一

綫能摧十萬師

馬武若存陵川東境漢光武出上黨破鄴郡由此道

澤潞蛇虺豈易除衛公英算掌中攄乾河立寨防奔逸石會移營

快擣虛就食邢州誰自救長驅天井竟何如刊堙係累一作真非

策更讀淋漓杜牧書

李德裕撤王宰征昭義屯乾河破石會關皆在陵川東南要衝

共城水峪鬱蒙茸新莽臺高伏九龍不有東萊王副使誰搜巢穴

殄元兇書生白刃長圍躍殺鬼金戈一喘從此已前略勿豆行

人灑淚仰真容

明末九龍賊伏輝縣後川河水路朝澤潞副使王肇生揭其穴於之後

死神將董時增甯朝鮮陳承業張承寵皆先後戰死附祀公祠

東南莽莽霧連山舊駐偏師五度關萬騎愁緣青嶺上一夫坐制

白雲閒州荒奪火聞操吼欲裂實圍隔島還天險外無人內守太

平請勿弛防閑

五度關奪火燒人行要害一晉安帝時五度關今在城久廢

雄風汨溢白陘吞路接朝歌人血門鬼繫羊腸盤陞立馬蛟痛

大河奔壺關久已銷英氣澤州守宋公自澤至路遠皆古上黨地陵川各隘口少水從來有戰屯最喜深心宋太守背

巡隘口置烽墩澤州守宋公自澤至路遠皆古上黨地陵川各隘口

澤州西阨潞州東大脊橫騰四塞雄諸史蠱沙書戰鬪年虎豹

失深叢太行豪傑三河首天下中堅上黨同懷古按圖談腐見能

縛疆場有羣公自澤至路遠皆古上黨地陵川各隘口

逆壤之變直窺陵川以爲扼吭擣虛之詭計周事可鑒故惕

言之當時如移河北鎮駐陵川最得堵禦險道要策移偏營

議亦未雨綢繆之計惜未有大帥爲贊成者八首前論狄患

次弔長平末結以此中周凱切詳明包括史事藉以抒其偉

論又合地形兵法成此奇作老成謀國別有深思一字一句

皆非漫下吾願守茲土者書一道以置座右也丁未仲秋年

愚弟畢沅謹跋

煤窯行

丹崖萬仞削劍斧，窯人綫縷崖掘戶。崖淺窯深出入鼠，陰風毒煙焦肺腑。一壓齏粉那得取，鰥鬼負筐衣襤褸。朝防蒼狼夜防虎，碛田種秫枯望雨。粟粒不飽蕨根蕘，平城鐵鑪多富賈。日擊大鼓烹肥羜，煤窯民爾獨苦。

晦日夜坐

空山闊無際，銀漢壓孤城。星轉地多影，露流天有聲。一夢爲客散，百感入秋橫。盡道栖烏穩，何緣繞樹鳴。

贈按察司僉事鐵齒李公殉節詩

公諱向馬，鐵齒人。順治初年，令陵川。值大同逆將姜瓖叛，兵臨城下。公竭力守城，城破被執，百計誘降，不屈死之。妻王恭人，與一女一婢皆自縊以殉。死後八年，三令



鄆城黃君國榮上其事

詔贈按察司僉事陰一子人監讀書崇祀名宦祠余感其  
事作詩并邀同學賦之

原草何蕭蕭白楊生悲風中有節節人曰鐵嶺李公

國初宰陵川逆鑲變大同駭難建榆林突豕竄山東捫然登陴守  
奮呼當其衝左手挾勁矢右手挽強弓應腥天爲黃旂旗慘不紅  
城破賊得之瞋目裂眦瞳虎狼不敢噬百計誘使從嚼齒嘯噴急  
甘蹈白刃鋒血灑九千仞高蟠太行虹其妻王恭人促夫力保壙  
是日攜二女効命閨房中烏鳶慘不下香練飛長空妖星旋撲滅  
烈事泣婦僮新尹享昇平誰能盡孤忠八年鄆城賢以狀上禮宗  
褒卹紛綸加錦冊蟠螭龍繡衣獅豸冠翠羽璫璫瑤生爲百城長  
死作萬鬼雄隻手弱書生殺賊安有功肝腦與城碎光焰七尺躬

庶爲不負

恩廟祀當無窮作詩闢千秋用勵頑懦衷

月夜聞砧聲

明月可憐秋砧聲隔巷浮由來無遠戍也目動邊愁刀尺征夫淚  
寒燈少婦樓西風今夜夢何路到并州

箕子山

國破纍臣在陳疇本志非甯爲入山計以待受封歸地惑殷城近  
人驚履跡稀穿林行落葉搔首問斜暉山麓有箕子墓相傳武王訪箕子於此網履焉  
七月十五夜同潘五峯到月通太華之遊二首

聞君訪客上雲臺絕頂蒲池弄月迴今夜西風九千仞城頭呼過  
一輪來

瑤臺浩蕩接天門北戒河山盡小巖巒在蓮花掌上坐中懸玉女

洗頭盆

新晴同潘五峯振西王  
川東郊道院遠眺歸人清觀  
暑退露潑然青娥下喬木四郊  
晴曠吾亦事遙瞻山嶺天上巖  
松匿雲成族鳥迴余吾城雉  
嶺谷石坂徑縱橫禾黍吟波屬  
商風從北來早雪降幽朔  
遂披小人家花壇靜如沐蒲屏共深坐  
爛熳六月菊恍惚在鄉園  
簫簫之溪山蓮老菱芙蓉  
稍肥蟹螯熟遠遊不如歸  
各各脂車轂

黃園山歌

君不見太行東走鬱怒急  
突作黃園一柱摩天立  
中原四灑大龍湫  
倒捲黃河之水破秋入虹梯  
闌子恆山岌連牽騰踏不可戢  
西風斷索萬條飛  
王女明星遙拱揖  
嗚乎其神茲其嬉  
頑安得夸娥分負置之梁  
朱閨蒿邱芒碭輩作金隄  
連直東黃河俯首貼地歸

大海歲省內府億萬黃金錢

時值河南睢州  
汎漫日興工

### 懷蔡十二芷衫

君駕高樓黃鵠回可能長臥孝侯臺  
幾月同尋煙寺雨何時得舉  
月湖杯碧雲江上孤鴻杳夕  
魚書中腹馬長昨夢燈前見顏  
余知度太行來

### 漫成

關山難盡跡何依骨肉無多老不歸  
早蛩聲尋處少天高雁陣  
到來稀愁生絕塞孤雲人夢渡  
黃河細雨飛惟有讀書堪送日坐  
穿仍是舊端衣

### 移菊

庭菊種誰貽零星香色不長  
長我武功亦以雨露故依人使余憐  
被色自汝賦呼孫移  
畦清泉手澆注紫紅殊向背芬芳以類聚

雖乏屏洞繁聊引三觴以晚節靜得貞老圃勤不負十步有幽蘭  
勿以蕭艾遇蘭

夾寨城

前驅囊矢出河東長蛇一掃空盜賊敢蟠唐土地征夫終仗  
晉英雄秋雲落塞山鐵騎紅旂使焚書真將至  
今艸木起悲風

壺關三老故

漢三老令狐子舊令狐上書助戾太子冤卒  
葬此

龍華門鬼帶劒入瀾衣冠治蠱急紛紛氣亂前星禁兵小弄  
吞聲泣上書誰伏建章宮令狐三老壺關外高廟神先教汝田  
閒來此白頭翁君王雖在末思泉鳩血滿城碧飢魂不上望

思臺滅族焚橋竟何益司農丞相富民侯  
一獨報山川千秋

### 三垂岡

白草黃榆大帳開  
重岡勢鬱崔嵬無邊影  
燕人未，鴉軍捲地來  
落日荒陵誰與爭  
西風老淚獨盈杯  
英雄長逐中原霧不掃朱梁不肯迴

莊宗拔唐山行平一垂岡自此名王賈淵避也後梁將攻夾寨覆之

兒津自湘中省我貧南兼得淮潭兩絕出都之廣陵消息  
天南地北自飄飄淚滴萊衣雨  
寶洞我望音書窮朔漠  
空杖履越峇峽松楸日暮林新長  
兒女仍懸計未饒欲返故鄉須努力餘年誰厭事耕樵

八月十五夜同吳釣煙王渭川東郊道院對月飲酒釣煙  
先賦詩名狂興發放筆爲長歌

君胡不飲太行之月當人頭  
君胡不醉他鄉之客當中秋  
天壇仙

人爲我驅風雨，洗出碧巖環鏡水。水晶毯一萬餘里，海行早一萬餘。

何山懸好八陁九，寒寂無聲恒霍空。濛點荇藻光，狼小城何偏側。

月華欲入遮不得，東郊道院空。一作圓椒浩蕩全收陵子國，碎瓊

紛踏聯轡行。余與釣緣坡躡足力生兒童謔笑互雜沓。見津亦

與月勢爭攀升，穹廬蓋野磨青銅。濕螺激灩銀波紅，瑤臺美人情

顏色。先照白頭雙老翁，蘭皋捉席間。正主客淋漓狂語競，滌盡

肝腸沆瀣香。放開胸臆清涼境，想到高都石月人。南樓別具壺觴

興。東川以試事留澤州三更霜下寒砭骨，北斗闌干在城缺。河漢低垂大漠

流，千山黃鼠銜飛雪。君不見二十四郡將，軍聲蕭索葉孤城。

又不見鬪雞小兒夾，舉鞭鐵馬金戈啼鬼聞。古之月幾許，今之

月惟我汝。蟻鬪休澆冷戰場，蟲吟莫聽愁砧聲。君當默

我爲起舞影婆娑，貧賤壯遊老更多。我聽君歌將奈何，人生富貴

豈必盡稱意惟有樽中萬古之月難銷磨  
鴛鴦湖月波樓我曾十日爲淹留  
安得與君木蘭舟載酒下斜越  
如願年年如此太不如也  
醉倒船頭任月流但願年年如此太不如也  
負中秋節楊萬山明倫彙編約遊黃山詩  
秋看月光明頂以事羈不果

山城初度門人熊子東川爲予置酒祝賦酬二首

老笑庸庸齒更加客中降日在山衙已忻折  
對菊花富貴神仙遲福分舟車詩酒關年華  
門生兒子能扶醉處處秋光便可家

回頭花署路三千寫韻軒開十八年  
隔浦笛吹來李委後堂樂奏拜彭宣  
丁亥初度在南昌署東川偕劉效坤葉丹  
邵甘景宋楊通公各置酒爲予夫婦祝壽  
裏愧我樽傾短髮前天憫勞生長子健  
方袍竹杖更多緣

重陽大風



萬仞驚飈捲長空  
驚迷土囊掀寒裂山葉戰天號邊氣連孤館  
寒威壓布袍衰年多胃病惆悵負登高時有舉登高  
宴者不得赴

夜與濟源衛金谷飲話王屋天壇之勝

無端把酒話瑤京  
徑欲相隨衛叔卿海湧萬燈壇外見池穿一瀆  
地中行且輸佳節扶筇興已有仙靈抗手迎小有天邊泉不老掃  
花李白願平生天福地記第一王屋  
前名小有清虛之天

聞落葉聲

庭榆零寒宵時聞下三兩微風巡階行似有人來往山空霜欲滿  
窗明月初上影隨鳥過跡混馴鹿響搖落不可極羈心積還蕩  
茫然入孤枕天海遙想那復遠靡聲寥寥山林莽

懷蒲坂先生感賦

蒲坂先生任大司成時余在成均謬荷國士之遇先生

下世四十餘年，余客晉南適熊子東川自甘肅解餉歸  
爲述蒲州河山之勝觸念舊恩悲愴有作

黃河澎湃岳崢嶸間氣名賢皆誕焉思范會漢家三舍

重桓榮丹黃滿篋猶親授風雨老矣無成負知亡燈

前回首淚縱橫乙丑歲小春陰學使院歸男信至

同熊魚吉東城樓望太行雲氣

一石一雲相闢生倏忽散漫倏合並朝暉夕陰無定態千巢萬狀  
難爲名蒸嵐血欲接東海化雨何緣歸析城此中仙靈有窟宅安  
得著我茅三楹

九月十五夜月二首

月出燒天紅林鴉乍驚起漸放銀波流一城浸香水  
老去最宜秋胥胥太行月不知人世間何處有圓缺

商王廟

廟在南岡廟中花木極盛

昨日微霜物色清今朝暄暖農家宜長風大塞鵬盤入彩日斷雲  
龍下垂看穫芻豢崔瑗廟尋花還坐商王祠東郊黃若西郊澗步  
屨扶筇隨所之

送高安劉里初赴成均二首

發憤辭螢案衡寒拜虎闥楷模宗匠大繩尺有司非雪映圖橋彩  
星羅獵碣輝白頭舊都講送子興遄飛

盛典逢來歲

君王降紫輿辟雍遵古制東觀賜新書班從經師後榮分華正餘  
金門能獻賦不必待吹噓

立冬前一夕微雪

枕上聞鳴禽。牕旭紅鮮徹。起看半庭素。始知夜來雪。天高送秋厲。  
候淺鬪霜截。未成九澤冰。稍點三巘缺。泥融葉猶紫。菊傲花更結。  
遙思風打圍。塞門一丈裂。將驅滕六馭。遍壓中原輟。宜麥復宜麥。  
旅懷庶怡悅。

月夜小步

寒月起威稜。天霜欲作冰。驚心風候異。爲客歲時仍。星動城懸柝。  
山空樹出燈。巡簷還徙倚。刻影上階層。

題吳釣煙獨醉圖

老友皖江何禹門。畫作舉甕立而仰。吸狀傍置釣竿一。  
笠一。

仙耶狂耶渴老羌耶。立何蒼茫氣奮張耶。天吾漿月吾液吾甕一。  
舉吸川百澆吾塊。豈壯吾魄肴飢霍恆糟。潑潑苗色河聲吾肘腋。

漁童蜺女扶不得醉矣乎海上釣鼉客

觀鐵花

東川署中潘五筆作製極精妙

賽會陵川重鐵花冲霄燦爛野爭譁試從不夜城頭望火樹星橋  
一萬家

題麻姑采藥圖二首

蓬萊清淺幾回看獨荷金鷗上石壇貯得神功泉上酒不知世有  
大還丹  
承襪黃雲小步宜蟠桃如斗雜金芝笑他蝴蝶羅浮洞五色裙拋  
不用騎

別東川二首

榴花時節解征鞍落盡黃榆下塞寒爲有故人回首在并州仍作

故鄉看

執手山前話長歌詩奏雅我遙望君心更逐天邊月一路相隨下太行

謝泉詩

龍王頭泉設甘冽東川爲我月置數罍別時作謝泉詩  
澆我塵三斛煩君口煖瓶茶邊辭地主醉後問山靈竹塢唸魂翠  
松毛活火煮江南老來寧應補入泉經

高郵城

卽舊晉以晉三家遷靖公俱酒居此

天帝復偶醉鴻溝秦富強霸西戎席捲思八黃晉人防縱敵  
六軍時奮震大小一餘戰遇之使弗伸二百四十年詎敢越蒲津  
哀哉趙魏韓瓜分移晉禮表裏山河散威勢遂不振秦始用詐力

蹙其國步頻昔蘇代語掩卷爲酸辛牛後各甘譏首鼠爲逡巡  
扼要斷脊膺應侯謀如神出入恣虎狼吞噬無完唇誰其階禍者  
遂使周鼎淪駐馬高都墟靖公餘荒園懷古發長嘆悽風鳴枯榛  
何必弔長平始悲趙無人

全玉嶺

藺相如舍人懷璧間道歸趙處

睨柱雄風折暴秦別令懷璧人嶙峋平原珠履三千客輸卻相如  
一舍人

望媧皇窟

太行西南囊谷裂浮山人道媧皇窟彩石猶飛五色華寒雲只鬱  
萬年熱補天之說本寓意造化陰陽自媧鍾六鼇柱立水平流咫尺  
聖陵飄柏翠

澤州二首

一面當寰宇，門庭絕壁安。雙河分雪下，萬石黨天寒。大脈中條擁

長城下口盤。澤州形勢最，休作彈丸看。

澤州彈丸地，唐莊宗語。

北戒逶迤去，南陽鎖錦尊。冰聲牽大漠，霜氣壓中原。馬掣鳴沙急

鵬盤落木昏。時平看射獵，亦是壯雄藩。

時將較獵。

同潘五峯入元妙觀看唐天祐銅鐘歌

天祐十一年，晉昭義節度使李嗣昭鑄銅鐘四各萬觔。

一置澤州開元寺後移觀內。

我聞上黨銅鐘晉鑄四，其上皆有天祐唐年字。此鐘移自開元寺，誰其鑄者李昭義萬石鐘。因壓空垂神門簾，藎交撐撐兩藥九乳。青瓜皮猛獸，碣磳龍躩踞。英雄精靈壯士血，噴為黃赤雲離離。唐家鐘鼎移盜賊，晉王父子能討逆。義兒宿將躍如飛，進通

通字 忠



孝千人敵潞州晉賊膽嚇夾寨之勛冠河北分財饗士十七年  
誓雪國讎快朝食紀功邀福鑄蒲牢一綫日月懸重霄弁口勢欲  
中原包太行絕頂鏗立號銅鯨一吼霜秋高十萬賊散天無妖鐘  
聲未歇鎮州死燿帥猶能拔流矢無由節印付任圜可惜降旗投  
豎子恨不呼出侍中來掬起丹河洗鐘恥鐘聲鬱怒天應聞鄆州  
聲鐸驅長軍大梁迅掃若有神親函賊首告先廟此鐘豈不論功  
勛陵遷谷變千餘歲崇臺老柏搖花翠鏗鏘時驚雷雨威噲吟尙  
走弓刀氣久避風輪劫火傷誰流漢月金仙淚咸陽鐘鏤鄴臺灰  
景雲觀銘安在哉此鐘茫茫閱世運唐朔鎗然猶有印不與同光  
綠衣盡攀緣摩撫興亡同無端慷慨生陰蟲我欲移置裴將軍廟  
中擊之三河九塞凜凜多英風

旌忠廟

祀唐澤州守將裴約時李繼韜以潞州畱後叛降梁約  
泣血諭衆死之

天祐唐年蓋將軍亦殉身雪讎無故使報國有陪臣首與孤城碎  
瘡猶戰血新光芒張特進地下兩完人  
天使孤忠慘城難隻手防終教收上黨不待救睢陽廟壁靈虬湧  
旗門大鳥翔三垂岡上路風雨拜先王

李衛公祠

赫赫衛公祠人傳此駐師五花雲布陣三尺雨隨旗

馬鬣滴兩州松

挂虬髯

古花鑲錦帽姿英雄能將相莫謏誓神

西陰刻西岳誓神文

登北樓望長平道

長平遙指數峯煙碎石盤陀一綫連白雁斜通枯草路黃羊橫散  
亂雲天臺銷戈鏃山無鬼血作桑麻地有年合與北樓陳正字臨

風把酒興蕭然。

澤州城南別潘五峯時予將下太行渡河而南五峯亦赴

汾州之約

雞鳴樽酒空轅馬驚分鑣嗟我老行役南北非暮朝念君新相知  
落落羣紀交謂別陵國東迤在晉南橋寸心難盡陳執手前山椒  
君才不家食授經河汾遙淋漓出塞歌氣折并州豪談笑書魯連  
慷慨贈繞朝主壁愼所投毋使砭砭滑殘雪明淺澤微雲澹中條  
迴首望太行美人隔陵苕寄我以瑤章殷勤托迴飈

登天井關二首

雄風吹上太行陁石氣無邊谷杳冥井出半天迴日月泉分絕壁  
走雷霆夢中煙樹三秦白掌上河山九塞青老別并州一壺酒旗  
亭醉倒不須醒

寒鴉說盡幾興亡，鼓角聲斜報夕陽。  
天下咽喉爭此地，雲中門戶鬱相望。  
六龍負石開馳道，萬馬盤梯作戰場。  
今日太平無事險，車牛服賈卽康莊。

望

畫橋枯  
送行人

池臺話幾春，惟有太行泉。  
十里曉來帶雪

下羊腸坂二首

自碗子城至高平石路百餘里，皆澤州王光祿璇脩秋木莊，其在北。

羊腸何詰曲，南下亦艱哉。  
身駭風衝墮，梯愁雪滑催。  
迅鷹收翼失，嘯馬惜蹄衰。  
誰鑿千年險，吾思光祿才。

劒戟攢空銳，千峯拂足過。  
地中飛白日，天半走黃河。  
落木參差見

平疇次第多苦寒行不賦客興未

寒食嶺店題壁

一百五日春已稀七十二峯人未歸  
正愁濁酒不成醉忽見亂花無數飛

登明月川寶光寺二首

落葉聲盈谷蕭蕭客上時飛泉爭路溢  
老柏夾梯危雪意寒鴉語

山香古鶴知已辜銷夏約尚與仲冬期

一作隆

太行一明月長挂洞西頭萬石秀開野  
中原青滿樓尋香遲樹別

菟茗爲泉園更有天壇勝何年遂壯遊

程子卿校篇過明道書院作

三河帝王都太行忠義社其民憂且動  
其上樸而雅技巧薰染無聲華奔競寡  
昔人曾有言牛毛斷處野所重在卿校  
愚秀入陶治

河南程夫子晉城南下馬社學七十餘經營廣松樓六經視句讀  
千手各鈔寫禮樂習須臾義利嚴取舍銷其弓劍氣琢玉於堯舜  
至今弦誦聲風雨燈未熄我

朝聲教盛人佩綬若若相國兩文端德業表區夏我過澤州城抗  
懷夕陽下十步有芳蘭山木貴不椿誰能繼大賢作歌望來者

### 白洋泉

#### 泉在大行山麓懷慶道中

太行長劍倚晴空天井飛開下白虹十萬竹園清化路人家都在  
水聲中

#### 清化店壁和李雨村觀察韻

詭門初下坂驢背暮寒輕煙合竹多路霜枯泉作聲樓頭詞客賦  
丁酉與觀察宿  
膝上問下五日壁上故人名獨酌鄆城酒淒其動遠情

男如秦  
姪聲有普孫啓  
裕幹  
豐校字  
光

紫峴山人詩集卷二十二

湘潭張九鉞度西著

姪孫家棧重刊

嵩遊草

乾隆丙午丁未

先生還自陵川入嵩山上五乳峯遂登二室絕頂屬白生德一作少室春雲圖著嵩遊旋返大梁

丙午暮春往嵩山道中作歌

地畱我以名嶽天子我以閒身安能絕腰束臂冬復春望斷三十  
六岫空嶙峋東都今年春有麥洛波穀翻瀾波碧天桃開滿相公  
窳弱柳藏深處士宅風光如此不入山空令候久浮邱伯金鷺藥  
寂可奈何出郊且學樵夫歌

翟鎮宿白生德一書齋

開門見邱翠伊洛合流徐歉歲無餘粟奉親惟讀書幽蘭師友意  
佳樹弟兄如尊酒論文快南山月上初



渡伊水至緱氏古縣

野色清明後長煙曉引林古城當嶽路伊水下郊鄩麥氣涼初起  
春山澹欲沈漢家仙館近濃樾嘯幽禽

嵩山下有大穴入於蜀中張華曰此仙館也

府店口號示兒世津

春露洗緱山人家金碧閒桃花三十里直上轅轅關遊事資餘勇  
風光慰老顏明晨雲母井攜汝一躋攀

峯嶺三首

嶺在登封西北今轅轅關

十二盤開翠壁天南風吹霧撥飛懸黃河一角關門半回首峭函  
皆暮煙

羸綢籃筍轉車重小李將軍畫色濃久立洞前嵐翠合隔山初打  
少林鐘

御道逶迤接紫庭雖離仙鳥至今聽黃熊不用驚神鼓天關中原

一綫青

初見少室頂三首

三十六峯戶若扃，夕陽孤頂湧冥冥。不知誰叱神丁斧，削出橫天玉帶青。

四門峻樹華杠中，有仙人導赤幢。欲借一條青玉杖，白雲捫到

鐵楞牕。

少室上有四門，中有三十六峯，獨西天門缺處望之。鐵楞牕一鐵楞窗，儼然玲瓏，竟不可踐，其處似羣仙所往還也。

年年相揖洛城頭，一見煙嵐慰客愁。我是逢山便畱住，青鞵早辦作豪遊。

行五乳峯

濛濛嵐翠合，夕照半桃花。石逕無人跡，春風長藥芽。大驚黃葉澗，鹿臥白雲家。老入名山地，紆徐愛物華。

少林寺二首

當門少室峯，吾愛晚霞濃。  
鳥下彩搖塢，僧歸青落鐘。  
神梯盤薜荔，樵徑截芙蓉。  
鐵鏤無由綰，誰巢第一重。

紺殿疊青岑，蕭蕭檜柏林。  
奇香交磴密，曉磬出煙深。  
畫壁爭神鬼，飛泉閼古今。  
三花何處采，猿嘯萬峯陰。

三川采花之盛甲於洛中

### 初祖菴

一折江蘆到青天，片石陰南朝。  
無聖諦中土，有雷音但示橫枝意。  
誰令立雪深，傳衣爭競大。  
未必祖庭心。

### 面壁石示僧澗春

無人無我相，形影孰與餘。  
不見斜陽色，悠然掃太虛。  
爾方誇幻蹟，吾自想眞如。  
面壁功堪借，衰年正讀書。

### 觀少林寺中碑刻二首

豐碣盈廊院，摩挲孰漢唐。  
天龍扶屨屨，山鬼洗皴皴。  
周鼎文全沒。

鴻門石久荒誰能復絕頂蚪蚪訪中郎漢張芝復蚪蚪文字於嵩山石室今號蚪蚪巖蔡邕

亦獲蚪蚪於石室因益工古篆

技擊今猶講僧兵昔豔聞教傳天策府官拜大將軍竟啓山棚旣

唐書載李師道叛助逆渠魁為中嶽寺僧普淨糾集趙勇謂之山棚子李元府剿捕之始平皆秦上時少林寺僧曇宗等啟之徒

誇柏塢文龜劉司馬法此輩散耕耘今寺僧猶以秋冬講武明人

詩勒碑上淺見可晒

### 太室道中二首

佛鳥催遊人春山臥初起古云嵩山如臥扶筇尋嶽路犖确踏溪底露氣

四縛深羣青澹如洗出谷遂展眺陟峴窮徙倚太白對少陽髻鬢

鬬譎詭東巖產芝莖西壁結乳髓風穿天闕下古雪流香水幾閒

石室尖秘庭駕穠李望彼采樵人恐是丹邱子家拭注嵩高山下有石室名誤觴內

有仙書無數昔方回讀書於內玉女進以飲食

日出太室頂羣峯若無依須臾宿霧收晃灤削四圍白雲吐崖竅  
半入東西扉回眺三六峯蓬島挾海飛綽約姑射容鬱怒猛士威  
元豹胡浮驂祥鸞玉妃旂鑱天削孤秀卓立爭朝暉倏忽闢明滅  
婉婉在希微夙懷名山渴睠茲洞府稀相對無言說淡焉欲忘歸  
李白集予訪道少  
室盡登三十六峯

### 入會善寺二首

西峯朝嶽祠迤邐狀非一山深春氣遲積翠尙蒙密雞鳴巖壁開  
始見塏上日丹碧紛離婁鈴鐸蕩蕭瑟薄雲漸次收柏頂殿螭出  
梵唄何寥寥野鹿避人疾漸聞龍泉聲珠玉灑階室蜿蜒勢若雄  
洑流杳然失神灤薄所儲不得暢奔汨中谷旱其煥三農豈愁恍  
爲霖有專司誰將九龍叱

試訪思惟壇言尋思惟樹聞茲思惟花瑤藥歲三吐牟尼趺其下

六出紐左顧開謝不染塵諸天作供御自移瑤璃地猶引罡風護  
遯矣小戒荒色相渺何處月魄與煙痕一笑恍相遇譬彼優曇鉢  
身現示泡露偶然落震旦誰能識來去

嵩陽書院將軍栢歌

問汝栢兮孰大於靈椿之年孰先於秩筭之野神禹治水曾否過  
其前周公測景曾否憩其下得非箕星精鶉火光綢繡渾敦磅礴  
迴翔上帝命句龍植爲壽木嵩之陽黃離土緝白雲香灌以玉井  
金罍漿山精脉斷罔象死根蟠九櫺維扶桑天心地膽闕不得各  
挺神州陸海之中央大者輪囷十人圍彭亨腹脹中豁虧膚殺剝  
蛻脂柔肌黃白璧滑文離離枝葉紐轉髮鬚鸞鳳栖其上日月  
不過之珊瑚琅玕眾仙衛覆以華蓋天王旗次者黯墨皆下垂怒  
撞欲裂何頑癡二十四峯撐不仆力幹元氣包淋漓其中枯枝丹

血貫不死虬爪直上挈鴻夷觚稜無數孔一孔曾見一龍飛仙風  
入之刁刁騷騷大如吹角小如琴瑟笙竽箎其南何年遭火厄  
瘞以一堆揭碑識雄姿毅魄那肯抑飛入長空逐霹靂噫汝兮  
豈以擁腫保不材直方而大德所該上有

天子碑翰纘紛爲蔭庇下有經生朝夕摩撫而徘徊蘭津芝砌繞  
繡苔雨露裔禩長胚胎敢有螻蟻潛穴斤斧摧彼大將軍封號奚  
爲哉不見五大夫松三品槐令人想像生嗟哀

越疊石溪

溪上三山船

國朝景冬陽宗伯所建別業今廢

疊石長溪界嶽天飛珠濺雪不知年老夫欲乞龍精酒醉倒  
船上眠

嶽中口占寄洛下諸生

身在嵩門頂上行萬峯無際阻初晴而今世少盧居士不到丹壇  
說姓名

謁嶽廟四首

終南一脉接崑崙東赴中原嶽耳少室倚毗若兄弟諸峯侍從  
盡兒孫陰陽地奠圖疇正風雨天和土德元休訝玉人時出入黃  
靈高拱澹無言

青霄寶殿壓嵩邱可戒河山一望收黃蓋雲飛花簇鳳瑤繆風捲  
栢蟠虬壇壝豈敢污祠禪宮觀何當考廢脩獨有我

朝禋祀大九枝如意鎮神州

乾隆十五年

御賜玉如意九枝懸殿中爲千古鎮嶽法寶

秉圭端冕幔高懸黃錦飛裙望儼然共說霞輪朝上帝幾時圖籙  
告眞仙星辰低拜千尋閣日月中穿一闕天身在層霄渾未覺靈



雲巖山人詩集卷五  
五  
倚永夜奏絲絃

排空灝氣接瑤京  
汝海朝浮萬翠晴  
安得金壺橫灑墨  
更尋錦石坐吹笙  
鶴盤絕巖臺無影  
龍走長河穴有聲  
四十年來祠下拜  
白頭南嶽一儒生

乙丑出都門將遊嵩嶽未果

### 大風晦不得登嵩頂作

狂不願作詩寄鍊師  
貧不願貨番逢仙叟  
但願振衣嵩頂一放歌  
萬里洪濛莽回首  
疾風顛沙蔽空黑  
鐵梁綫縷愁傾仄  
黃鶯啼殺碧桃花  
玉女窗前凭不得  
人生快意當畱餘  
鴻爪何妨視太虛  
秋來更與嵩靈約  
山屐田衣計未疏

### 測景臺十六韻

萬世茲彝器  
甯隨九鼎沈  
構臺嵩脉厚  
測景土圭深  
正據王城域  
高標潁水濱  
山河蟠大渚  
天地鎮中心  
程審兼黃赤  
儀垂準古今

星辰宵衛輔風雨晝陽陰分秒無差忒精能以槩忱八方均道里  
一氣合圖琛斑駁龍鱗紫光芒海色金嶽靈爲悲祀雲物係祥祺  
自備義和法非由太史詔周神開積算子午訝盤針理數包羅富  
忠誠制作欽南宮徒步尺守敬漫推尋星臺北有量天尺三十  
云元郭守敬製柏翠凝裳繡泉香瀉漏音拜瞻元聖蹟不敢說登臨

出登封城夜行投少林寺

怪石多寒風日落雲勢猛子緣陂陀漢闕已昏暝虎羊亂前溪  
崎力不得逞羣峯沈沈墨黯淡非人境五乳稍望開月破天門頂  
琳宮動迷濛半因金碧炯僧歸松火出大咲寺門靜粗糲香積甘  
一星逗燈冷林鳥棲更驚磐空入花影名山雖有緣塵事曷由屏  
休問煉魔臺客心發深省

夜坐懷淑菴太守太守春雪中宿嵩山有雲封石礪天

之句最奇崛

太守因公事題詩石壁還花深三月外雪在幾峯間奇氣橫曾出  
清遊樂性閒不知今夜夢曾否落嵩山

緱山廟行

那能刻忍割子那能猛勇斷臂指神仙佛祖可奈何徒踏青鞵  
行萬里吾聞王子晉十五方弱齡震宮中觀那肯住欲賓帝所窮  
丹經飄然長揖髻王去緱山一點浮空真撫登壇前畱不止拜馬  
澗邊滯未已大荒渺渺芝仙來萬峯掃盡天如水我穿靈星深塢  
上玉貌錦衣畫蓋涼杖頭攜出河印開駭綠紛紅華一狀勝地從  
來延壽城東風明月宜吹笙何須穩把浮邱袂獨立空山無限情  
初夏劉淑庵太守自大梁入嵩山以書見招

嶽靈於我意相親况復招邀有故人踟躕不從行厨載酒

若爲新搜羅金石通儒事放浪風光老病身祇恐山花更含笑繼  
衣同是洛京塵

上轘轅關二首

二室劈中天雄關一綫穿羊腸陰翠鬱鳥背亂雲連誰鑿車箱谷  
平分鄂坂煙隋唐征戍地荒廢不知年

幽崖摩雪轉危磴截風行嶺南全荒字山花不識名中原通大溱  
絕頂見東京疑有黃熊出蒼岑瑟瑟鳴

雨霽遠眺

轘轅關上雨初歸猶有餘雲作絮飛活活泉聲初入耳濛濛山氣  
欲霑衣平田湧樹浮黃錦遠水涵空倒翠微舊說轘州疆圉險而  
今坐石領清暉

重入少林寺二首

嵩山最勝少林寺長夏仍畱春氣酣翠壁不晴亦不雨白雲在北  
時在南洞天一鳥下深磬香樹百風搖古嵐老去欲投初地隱  
靈相乞小茆菴

甘露臺前久佇立少溪橋畔行夷猶自然飲食那可得隨分煙霞  
還獨遊山花亂開紅躑躅林鳥爭啼黃栗畱未能修策凌霄漢景  
物娛人何以酬

陽城臨潁水

重入陽城路平疇小雨過岸交芳樹密川受夏雲多香火盧醫廟  
閭閻隱士歌大熊屏嶽勢隔潁見青螺

望箕山許由墓二首

雞鳴不知處崖樹雲初生似有一瓢出落花流水清遺墳無石闕  
山色舊陽城可望那能卽空餘物外情

嵩山隱士窟曾結由東鄰豈以煙霞病猶然塵世親唐田游巖結  
由東鄰後移於天鴻飛稀見影龍去渺何因不見還牛者何人再  
宮高宗屢幸其宅

問津

石淙行同淑菴太守作

九龍鞭霆峽劈開奔流直下五女臺石淙一水尋丈耳誰縮十洲  
三島中飛來山靈意匠生新造偏煩女后窮搜討保慳騁怪不自  
惜萬古鐫磨鬼神老東都使君耽奇趣偕我來尋平洛渡眾鳥閒  
關若引人四山合沓疑無路巨石連屏包峽急石勢爭潭潭起立  
欹斜戟戰腳愁支白蝙蝠擎苔雨溜攀籐穿棧駭俯矚亂插稠林  
采筍穉寸虛錐刺錦斑斕四面濕螺浸蒼玉頂可亭臺張席几南  
北參差斷詭疑將繩度與手招隔斷衝飆削無底飛泉噴入車  
箱潭危天一綫拖廚藍須與匹練忽歷亂壁色破碎香醅醴興來

直探金絲穴虎口呀呀不敢啞翻身長嘯三峯搖足底潛蛟醒欲  
出使君晞髮樂臺端芳莎坐藉羅杯盤白雲片片落四五欲動不  
動斜陽寒君不見三陽宮千門萬戶森相通豔嬪貴主如花紅雖  
雄上下鳴交風山靈瞬息怒掃空至今狐狸窟宅鼯鼯叢惟餘水  
聲山色無終窮吾曹且須爛熳醉安用磨刀割蘚歲月題龍從  
自武后南北崖石刻後宋元道人多題名絕壁

告成鎮歸室二室晚霞作

陽城道中望二室巨百餘里無纖遮天情萬峯寂如掃爲客歎忽  
鋪長霞濃屯齡氣起河洛勢湧鵠火蒸仙葩屏風疊疊飾以繡左  
右粲更紛駁深顏淺絳幻殊狀一一覩出青尖了華蓋中峯建  
標正離明之色尤交加或如絃綖冠其頂或如劍佩曳以綯嶽神  
靈聖虎踞懸旗采獵綈衛鬚髯中有霏微或遠映玉女四扇窗綺

紗得非織錦臺。七襄巧鬪天孫華。又豈擣帛石。五色染返崑崙家。  
少室之秀怪。虬蛇攢空孤豎千。鏤鉚赤城包羅佛火宅。飛躍九頂  
芙蓉花。白雲蓬蓬起汝海。盡燒萬柄紅槎枒。仙壇各各戴帔立。九  
光著龍龍衙衙。靄煙一縷自飄射。空翠縹緲生稜窪。又如瑤姬霧  
縠衣。風吹曳之皺復斜。須臾眾峯暝。騰踏頽陽倒。挂金蝦蟆綬。山  
元鶴翔何處。點點但數歸林鴉。我欲易并州刀。無由攀谿筍。我欲  
收紫羅囊。安得窮幽遐。澄江小謝難。工澹險語馬上窮。搜爬何時  
縮爲一幅營邱練。蕭齋歸展玉鷗叉。

嶽邸阻雨同淑菴太守

啓牖雲疑入。聽泉地若空。深山易成雨。疎館故多風。遊事頻商榷。  
良辰未遽匆。杜鵑花小折。泥滑報溪童。

雨後稍見少室東臺舊作



太室簇濃雲雨後密交搏雄雄少室峯爲我露一角如抽青菡萏  
中枝出姿嬾如啓半劍匣秋水洗蓮鐙沈沈不見底元氣外磅礴  
自古畫本無荆關失倚著好奇憐羈人獨入窗中躍無以酬山靈  
舉觴更大酬

過五渡水望盧巖二首

東寺生雲西寺煙上巖瀑布下巖川憑君若問盧居士只在濛濛  
晚翠天

聞道秋來懸練峯萬條飛雪下銀龍長留一夜遊人夢挂在期仙  
磴上松

行華蓋峯下遂入逍遙谷

太室芙蓉城渾淪望無脊風吹巖窾開了了露仙宅又如優曇鉢  
華蓋叢中葭翠峯駢萼跗參差錯丹岩我行遵麓趾可望不可卽

忽聞飛泉聲，迢迢一谷壁。那畏徑駢駢，褰裳緣寸尺。四時香氤氲，  
長夏更羃歷。晴雨漲翠深，峻峭嘗蕩虛。壁廢觀久荆，榛小坐藉磐石。  
唐有潘羽師，於焉作栖息。放懷友麋鹿，遊身脫羈勒。胡因動萬乘，  
崇封侈雕飾。鑿坏避公卿，蒙被恥圖冊。昔之邈世人，不悔作枯櫟。  
道心戰名心，名山誰能得。山花尚含笑，野鳥戢其翼。終古此白雲，  
往來邈何極。

啓母石歌

昔登南嶽魏夫人，石凌空動搖身欲飛。今尋啓母石，盤溪碎坂行。  
逕微是何蠢，菌立孤孑怒。擊青與虎頭，裂石爲空樓。無梯踞中天，  
五月杜鵑灑紅血。其西步檐吐大腹，蒲昌倒垂齋豁開。野鼠爭穿  
鳳殿基，居民或拾鴛溝瓦。其東苦壁膏丹黃，鐫字模糊識亦寡。崔  
融碑碣久荒蕪，不知何代題名者。訇然北打嵩門開，雷公電母破

厥胎金錢百萬填其腹倏忽閃爍誰摹猜披爲大石橫洞口砥平  
鏡濶羅席九白玉錯磨金絲紐掃之不肯拭以手便好橫吹鳳管  
笙惜無快乞龍精酒隨巢淮南語怪渺此石魁雄天下少山川娛  
戲夫如何漢闕猶存殘墨寶披襟坐納涼颺輕石氣瘦入茶乳青  
扶輿茫茫不可問仰看一點晴雲生

崇福宮

山深鶻鵂啼老柏搖瀟風何代餘斜陽射此牆黯紅下馬剔碑蘚  
始知崇福宮二千六百區峻宇雕牆空袞冕堆蠶次丹粉凋青童  
漢唐名號殊土木侈則同旣無石桂英復乏萼蒲茸尙冀眞神仙  
愚哉天夢夢我愛太乙泉碧瀉觴池中文楸與檇蒲亭荒有遺蹤  
提舉朱諸賢游藝樂冲融以茲天機暢愧彼道果崇

望天門

行行指天門，穢業何壯哉。誰驅鴻濛風，吹破渾沌胎。汝海雲湧入，扶桑日穿來。劈峽懸白虹，揚旗走霆雷。龍鱗動層疊，虎牙傷摧頹。恍疑黃帝輪，兩扇迎之開。登臨雖云快，遠望勝乃該。百怪起我胃，惜無謫仙才。更聞中秋夕，僧寮眾徘徊。月爲青銅鏡，闕作菱花臺。倘可乞姮娥，相招一銜杯。

飲登封陸明府繼萼署二首

中峯只疑雨，出入夏雲深。半落作濃翠，孤城包晝陰。樓臺懸地肺，鐘鼓落天心。對飲不知晚，微聞遙鶴音。

山城寒四月，尙有櫻桃花。夜聽西溪水，晨開北牖霞。城中多開北牖，以望嶽。琴絃窺翡翠，碑碣走龍蛇。仙吏臥雲穩，風清早放衙。

茶庵題壁云是漢武帝登仙臺，故址有仙人試劍石

愛山不住山，入關仍出關。短衣夫何爲，三十六峯閒。煮茗登仙臺，

坐石試劍瘢中峯何亭亭陵茗好容顏前年太行頂浩渺窮躋攀  
一氣俯神州二室點髣髴丹梯在咫尺登臨緣尙慳羨彼萬古宅  
長嘯青天環奇服事遠遊少壯鬢已斑五嶽寄吾身天地畱老閒  
去住隨所遇俯仰亦何患一任白雲嘲笑插山花還

登封城

雲淨一聲鐘城開翠萬重天門懸大湊華蓋倚中峯市井皆仙氣  
碑題漢封君從石室返杖挂紫蒲茸時與淑菴訪尋漢碑

少姨廟石闕

昔人少姨廟壁上觀仙詩

元遺山詩

寶冠遠遊履情悅若見之廟圯石

闕存殘篆蝕蛟螭翠含玉黃峽香搖少溪漪夏禽不出谷好花方  
在枝微陰未成雨野色幽尋宜江飄瑤姬館山荒神女祠矧茲祀  
非鬼迺沿啓周疑裴世盛外戚靈嶽多詠辭儷白與如青莫問盈

鹿碑

永泰寺

寺在觀音峯下

嶽色無定時，顯氣與之從。夕陽下少室，迺得觀香峯。長天轉崑角，  
河洛包溶溶。碎壁割分繡，怒石掀奔龍。幽花瘦逾附，老樹坼轉濃。  
靜含宿雨深，徐受晚煙重。遠睇易爲秀，及近彌多容。恍疑謨觴室，  
有客餐湘茸。偶入精藍憩，焉知貴主蹤。黃絲入道年，車馬比肅雝。  
萬工坡猶名，遺曉誰能封。驅車出轅轅，回首空聞鐘。

坐少林客信

貨畚誰甘別，誅茆復少因。斜陽搖翠壁，高館坐芳茵。銜粉蜂翻籜，  
穿花鳥喚人。寄聲洛中客，不厭往來頻。

出嶽遇雪

春色催人不可留，春山送客似含愁。東風一夜桃花雪，飛盡轅州。

又洛州

少林月夜

萬里隨人月，今宵少室陰。  
天門流杳靄，虎澗轉森沈。  
香塢露分院，花鍾風一林。  
興來思獨往，踏遍最高岑。

自少室歸洛城白生德一爲作少室春雪圖自題其首

我隨九疑長耳翁，渡河去采菖蒲茸。  
天壇神燈不得見，忽落嵩山少室之中峯。  
中峯何所有，浩浩多春雲。  
金罌玉井蒸煦後，懸崖疊嶂皆氛氲。  
青靄腰木斧，丹磴懸鐵索。  
但瞻雲起處，那復惜腰腳。  
四天門上金銀臺，二十四扇笥中開。  
手攀鐵楞窗一角，千片萬片雲飛來。  
雲之來兮山之北，磅礴大氣天宇闢。  
五乳橫飛灑靈液，雲之來兮山之陽。  
兜羅綿裹青瑤房，八風迢迢吹不散。  
足踏汝漢濛濛香，翻兮作晴候兮作雨。  
或隨晨鐘或繞暮鼓，欲招謫仙子同伴丹。

邱生搖搖萬古宅不定攜雲飛下東都城白生家居近嵩少閑朝  
日對春雲貌爲我寫作春雲圖兼署少室山人號我曾祝融誇雲  
海一別上方五十載山中猿鶴日愁予舊龕彌勒今何在杖履還  
移事等閒明將攜此歸衡山春雲入座圖懸壁與子相逢少室間



男如泰  
姪聲有普孫啓沃  
裕幹字豐校字

紫峴山人詩集卷二十三

湘潭張九鉞度所著

姪孫家棧重刊

洛中集上

乾隆丁未戊申

先生可返大梁劉淑菴太守聘脩偃師諸縣志丁未尚家書作張翰思壽縣賦洛人間先生有歸志也聘于周南曹院凡四年著洛中集

發大梁行中牟道中作

出郭始知春茫然久客人平蕪枯乍變柳綠先勾岸遠迷官渡  
沙清下汴津緇衣長不浣又惹洛京塵

滎陽

陋矣鴻溝割遐哉龍戰荒英雄歸豎子漢業起滎陽山挾黃雲密  
城迴白日藏酈生真老策秦粟據敖倉

成皋坂

溝劈千山入車穿九地行微茫愁雨勢偃仄鬪雷聲鞏維交縈固  
峭函綫縷爭中原幾王霸絕險至今平

汜水望虎牢關

廣武與成皋盤旋出虎牢山雄河貼地天窄坂穿濠瘦馬愁梯滑  
飢鷹攪樹逃春秋爭一鄭版築豈徒勞

出廣武山口行河灘遠眺

薄霰出關收輕寒帶洛流河山交鮪穴天地別鴻溝野色偏來早  
遊心不待秋向西連砥柱吾欲問扁舟

洛汭

邛斷洛飛來黃河半割開神堤連塔湧亂席帶城迴雪霽初滋來  
風輕欲縱梅他鄉有春色駐馬爲徘徊

東站謁杜少陵先生祠公兒時拾支石篆於此見公集中

詩話卽康水故里二首

才人不野死，精爽故山阿。春雪洗嵩室，白雲流大河。兩京收涕淚，萬古獨詩歌。祠栢清風起，蕭蕭夕照多。

聞道首陽墓，風沙白草荒。誰尋文石象，更問土婁莊。

偃師卽山下土婁村有公墓

墓在當陽侯預墓側岸花亭鑿石浦有公草堂

我是湘潭客，家依舊草堂。天涯久飄泊，再拜淚霑裳。

吾邑

出鞏縣西溝口初見嵩山喜作三首

綿連二室峯，不辨幾芙蓉。坎窞出驚見，溶流相映濃。天門截晴雨，

玉帶亘春冬。垂老得仙境，登臨興未慵。

坎窞見左傳卽鞏西土溝

雲飛出斷山，中指轅轅關。春雪眾香水，神霄千侍班。黃熊奔大鼓，

玉女洗雙鬢。早晚桃花發，應添洞府顏。

亦有萬古宅，中峯一石樓。洪濛見元宰，突兀劃神州。那得吹笙侶，

方爲荷春遊平生婚嫁畢禽慶復何求

田橫墓歌

驚沙號天鬼樹摩黃狐跳嗥作挽歌云此田王之墓尸鄉野客  
相從竊其下銜哀飲憤誠可悲雒陽乘傳來何爲海島茫茫歸不  
歸五百壯士血怒飛故人王禮葬已足不見松耶栢耶委餓肉

白馬寺

丈六金身入夢迴甜櫛震旦一時開誰知書獻靈龜地又有經馱  
白馬來

賈太傅祠

長沙一去弔靈均宣室重來問鬼神文帝何知興禮樂武夫從古  
忌儒臣他鄉櫛井花猶繞昔郎有太傅宅宅前井故里叢祠草欲  
春爲語雒陽年少者千秋不負讀書人

題洛陽姚生泰所贈畫牡丹歌

洛陽牡丹今有無姚乎何意傳爲圖橫葩正朵各不佞裏露含暎  
俯仰稱得非錢思公潛溪緋種交韉紅豈是朱單父手造五色花  
師工恍遊月陂堤北張園東鹿胎鶴翎爭吐雄雕欄翠幕絲管沸  
池臺市井天濛濛遊蠶舞蜨日愁醉嬾女妖童車鬪風南田惲老  
翁南沙蔣相國畫花入妙品云是思公譜中之所得姚乎居近門  
氏園花頭接法窮討論此幅獨倣錢舜舉必逢佳士方畫與我今  
看花客雒陽草根木杅愁枯荒郭生贈一枝搜之自北邙插壓膽  
瓶粉滴墮姚乎持畫傾我觴此時我家湘上宅高與簷齊花綴百  
兒孫奉觥祝老人歸時定補姚黃色我對此畫三歎息君不見鹿  
銜馬踏皆天數斷腸誰向東風訴何況黃巾蹂躪餘劫灰慘戚山  
川鉅花神裴徊那肯住飛過曹州亳州去周公禮樂變椎魯賈傳

文章散朽蠹菁華已竭地無靈草木區區焉足顧姚乎勸汝從今  
直上壽安山呼取軍容使立招花魂還盡使土中淑氣萌芽發大  
轉嵩神洛士歡心顏吁嗟此畫此花祇如此姚乎姚乎汝老矣

送蔣生之都門

蔣生脂車將欲東河塵與願頑而風陸海無毛火氣盛千林盤蘗  
鳥雀病飢寒不免孟郊愁里市焉藏梅福姓大梁豪家炙手然華  
纓寶珮黃金鸚鵡當時希生言笑者馬上相逢不舉鞭何如仍走長  
安道天地晶瑩日浩浩三輔今年雨有麥手挾蒯緱亦可飽咄哉  
此行胡不早

小雨霽往龍門道中二首

二室三塗入望長詩人何處陸渾莊老縣萬里登臨眼不爲看花  
到洛陽

天津柳色漾波痕  
上午橋邊鳥語溫  
騎去蹇驢垂兩策  
看山一路到龍門

龍門

白雲放出一川平  
兩壁青山削不成  
天闕岩峩恢禹績  
塞門綿亘拱周京  
繁花碣岸蕭蕭綴  
石窟香風細細生  
設險由來非易事  
空令旅客結遙情

寶暘洞佛像歌

山靈慘愁石精泣  
萬鑿千椎剝脊入  
天生豔煽老耽遊  
侈飾雕鐫前後急  
樓臺高下蜂窠懸  
椽徒髣倳豪熏天  
伊流盡漲金銀色  
洛下爭輸脂粉田  
佛隨人爲氣澀  
嗟大者十丈小一尺  
眉髮剝落臂指傷  
佛豈無靈遭劫厄  
生民膏血地瘡痍  
縱有蓮花生不得  
吾欲呼取五丁斧  
踏天驅雷洗萬古  
丹崖翠闕還神禹



登香山寺

伊流四月碧粼粼，斷木橫橋次第循。  
東寺鐘迎西寺客，前山雲趁後山人。  
稍憐翡翠銜魚出，漸見銀鴈戲草頻。  
安得龍泉騰大雨，川光崖色一時新。

八節灘平八寺灰，石樓風月仰崔嵬。  
一卮猶爲先生酌，千古誰令我輩來。  
大地雲山應各領，高秋枕簟欲重開。  
龍門火柿靈巖菊，佳賞聊憑後會催。

題唐三龕佛像記石刻後

中郎石經立太學，六經文字天完新。  
蘭臺漆書掃謬誤，勢壯河嶽光星辰。  
千車聚觀日闕咽，摹寫紙貴傳八分。  
黃初補以三字體，兼學魯鮒邯鄲淳。  
四十八枚列兩廡，聖典一綫懸嶙峋。  
所傷浮屠立精舍，毀以作壁繪鬼神。  
牧童坐踞鼯鼠宿，崔光上胡拋擲瀝水蒙。

荆榛嗚乎此經遭此厄不殊秦火爲燔焚隋唐遷移蕩然盡洛陽  
無復畱貞珉二千年落人間者毫芒猶可爭瑤昆雖鼎敵敦結夢  
想好古之士羣酸辛三龕作記伊何人風霜不剝雷不滅大書深  
刻驕千春

苦熱行

洛中之客何侵尋洛中之熱真毒淫夏四五月氣鬱慘粟街穀市  
霾沈沈雷車盤天火風惡其下赤髮燒釜鬻地肺病渴渴煙起倒  
包災日稜角森流金爍石無此急皮肉之軀誰能禁閉門祇恐樹  
折仆晨夕不聞鳴雀音巷南十箇死五箇輕者瘡痍如炙燐飢婦  
棄兒路畏拾憫之洛水吞淚瘡堯湯平世有水旱偏隅疵癘非災  
禮爾民貴罪在誠敬慎勿咨怨傷天心

聖皇宵旰軫豫土詩章悱惻懸吏箴撫卹以後繼蠲賑金錢百萬

堆河潏幹旋彼蒼自有法洪鈞調轉歸酌斟不勞書生望碌碌會  
看三日來祥霖

刮潭歌

洛城東澗河橋下有小潭深不可測傳有龍居焉橋壁  
嵌詞祀之舊遇大旱用屏刮潭驚致雨其法傳自隴西  
名曰刮潭

炎風轟潭天赤雷急鼓直打邛山翻太守徒步士民捧塚香鬱起  
津陽門刮潭之出秦隴激龍使怒龍穴湧烝徒輒之各賈勇誓  
竭泉源泉亦云一片當頭墨欲下迎龍愁逼側豈真不憫陸  
海枯守藏地其宅勸龍速出揚鱗鬚頓雷渴日傾淋漓大河  
嬉遊自有地用守此蹏沔爲

喜雨

雲重風不顛雷出轅轅關九龍挾雨勢徐驅伊闕間蕭涼銳入地  
其聲清且嫺土中膏脈香三年復來還眾鳥梳厥翎庭柯洗毒顏  
天心轉崇朝四野舒痼瘵非使飽疾苦曷知物力艱闔城炊煙濕  
客亦忘憂思書籍任沾濡屋漏穿潺湲明晨登城頭盡見千疊山  
雨霽攜院中諸生登東城遠眺

雨厚晴采狀殘暑似長夏紛吾喜早涼登城後先亞嵩高湧大湊  
秦隴互淩跼初日澹蟬聲流雲度天罅藹藹眾綠延濛濛一青乍  
伊洛黃菊剗交貫快東下野渡增車牛旱暵競犁耙瘡痍雖未復  
龜勉備種價否泰有循環災愆荷天赦膺膺舊周原再期看秋稼  
雲臺歌

上東門南洛川上永平之世圖雲臺英姿颯爽無由見南宮俯仰  
空蒿萊白水真人起百戰羣雄奮掃鴻圖開功臣保全中興美紀

勛赫耀皆良才椒房之親胡不與慧政有謗徒銜哀攀龍附鳳運  
逢適星宿分配何愚哉君不見臺前一片地草木不生冬不雪前  
年土人掘其穴號風怒湧鐵橋出下有萬鈞巨石臥鼉鼉生甲踏  
洛裂百夫棄鍤走咋舌縣官急掩不敢發

强項侯祠

秋樹城陰合人傳强項祠小臣安有法天子本無私赤縣須神手  
蒼頭敢健兒賜錢三十萬猶想中興時

福宮行

芒龍西來頭角赭洛城一綫蟠其下曾聞魏晉築金墉

金墉城舊在洛陽城

西北角今城東金墉城誰剩宮基同曠野盤陀叢薄少居民零落

非其舊蓋隋時別築也崩榛無石馬陶穴虛尋弱翠樓峻隅或露鸞鴛瓦爭珠游女拾釵  
鉏掘寶耕夫擎瓚碎敗葉摩風飢鵲逃驚沙作雨眠狐打土人指

點爲我言勝國當年建福藩  
神宗愛子鄭妃母寵比淮人國尊  
鸞旗鳳輅連聲下趙舞燕歌  
錫予蕃直接由長利苑遙傳  
顯陽門東平鄉見招賢俊處  
叔惟丁天心厭明神不助清  
命宗枝丁厄數鷓鴣慘作蒼鷺飛  
周鼎出同牛吼怒黃巾大祿  
樓推鐵騎降幡梟帥呼龍種  
俄成人鮓腥酒酣福祿游魂污  
黃金出窖孀三千粉黛隨營去  
安能腰玦古珊瑚乞食爲奴路  
旁訴東京燐鬼泣瑤章南國狡  
童歌玉樹遺臣徒咏雒陽行詞  
客吟梁苑賦夜城妖鳥啼一聲  
月黑雲深不知處摩挲銅狄弔  
邱墟瀟灑秋光積雨餘惟有潤  
河鳴咽去至今猶痛呂尙書

金谷園故地

但對河陽酒休爲步障吟  
潤仍金谷瀉草與白雲深  
典午無名士風流竟陸沈  
明珠部十斛淒斷美人心

唐狄梁公祠在洛陽者近俱圯僅周南書院以木龕祀小  
像不盈尺製甚劉淑菴太守擴院後地捐俸建新祠且  
訪得公裔孫居邑谷水鎮者予以冠服奉主入祠日俾  
隨行禮焉爰賦詩紀盛舉兼示諸生

唐室論賢相梁公第一流事人甘女后念帝在房州綫纓孤臣血  
艱難復辟謀苦貞全母子忍恥作經猷后繡金袍字奴披積翠裘  
豚魚誠可格鼎鑊夢何繇爲國存良弼鋤姦付密籌河山終姓李  
官號不書周門尹悲旌榮陵遲散渚洲少陵贈狄公會  
孫博簡詩中語表閭無彥  
伯構廟少畱侯魏正東都院文昌北斗樓親廬雲昔望英旂日來  
遊應感憑依力長將惠愛酬遷移餘尺像喧隘襲神床太守翔威  
鳳中臺出絳騶肥之勞定國禮也宅諸幽卓立擎天柱雙開夾日  
輈八關羅翠黛四水潔尊尚紳笏朝端采臺衡座上頭赫然增爽

塏美矣謝雕鏤見有孫枝在知疎紀乘搜

梁公裔孫在谷水鎮

河陽嗟蔓草

谷水隱耕耰賜帶誰崖郡適田或寢邱

唐書載天后賜公洛陽田宅

何須尋

祿豈待辨鉤勾拜跪憐喬野衣冠列等儔旅人觀感歎儒吏率

樞語汝龍門輩茲如鹿洞修邵程型更仰賈董矩宜求古以參

貯今仍桃李收聞風興起者配食奉春秋

### 同劉龍潭登洛陽城

青鞋布襪野人裝一踏孤城便渺茫雨足山河深勒翠秋空天地

浩生光但教約略爲懷古不許登臨便憶鄉放杖老翁相顧笑從

來客子鬪身強

### 望北邙

北邙力負大河雄橫亘嶠面直走東九鼎星辰蟠地底八門風雨

俯天中人家禾黍參差出古寺松杉遠近同秋色聊憑樓櫓立誰



將陵寢問西風

顏魯公殷君夫人殘碑歌

碑在洛陽府學左玉虛觀天王殿前

殷夫人碑碑四面今迺得之玉虛觀十三姪男上柱國魯郡公名  
文燦爛漏痕釵腳二王法連以虛和鋒不剗昔聞公書茲第一  
之端肅信非贗祇愁存者百餘字其上漶滅孰可辨康熙年間始  
出地土人掘以并幹貫長轡修綆交磨治愁斫蛟鼉怒將斷雒陽  
好古董金甌見之摩撫淚如霰兼金乞易猶遭嗔移置道壇搗始  
遍雲飛煙散鴻都門鼎沒盤殘洛陽殿縱然大文垂日月豈免六  
丁走雷電天王帝釋囑護持破柱崩檠駭掉戰誰爲來者立蒼茫  
颯颯秋風庭樹亂

送盧氏王學博松蔭之大梁

身如太室雲聚散各不居心如伊洛流一合不可疏況我同年友  
天材富瓊琚當時逐雪龍告湯鵬享衢我辭春明出甘藪困泥塗  
奈何飛黃姿亦類轅下駒相逢東周城北酒同歌呼雄文富波瀾  
經術深蓄翁後進競華葉朝夕爲榮枯當正矩矱毋使歧其趨  
大河南北士引領望冠裾別離何足歎抗手都亭隅

仲秋郭生芳田邀遊龍門

羈心逐秋光南飛入伊闕有客指翠微相邀暢旅悅昔遊苦暘塵  
今茲清暉發女几張錦屏綿聯若行列嶽包半臂雄天斷四維缺  
素風洗空青了了露窾穴華果垂紛蕤芳英耀澄澈川平白雲澹  
石鬪夕陽裂山禽對呼人龕影散紅雪不必聞鐘聲冷然虛籟別

尋石窟寺

寺在九間房上

元魏營石窟架木爲長梯洞穿龍門頂根浸伊川流金銀氣洗盡

迺出新鮮秋瘦壁連皴  
赫然踏怒虬天光碎吐吞  
雲水紛雕鏤我俯九閭  
房陰壑風颼颼車馬何班班  
一棧走襄州人影波錯磨  
漁歌日沈浮蠶爾八丈身  
剝落諸大愁老雖與佛親  
不佞亦不求

入丈佛唐魏王泰爲  
長孫皇后祈福所造

### 飯九老閣

香山見三州虛明通表裏  
秋暉湛清華木石秀以水  
鑿翠安龍象梯空上犀兕  
團團丹牆抱裊裊竿幢起  
腰腳忘登頓不借短筇倚  
煙生鐘磬聞客至鳥雀喜  
把杯延闕色娟淨若玉几  
僧廚剝青豆村果擘红柿  
笑插金粟歌醉把黃花侈  
傲彼醉吟人結社但開土  
坐香山寺門望太行諸山

太行青渡河飛壓北山背  
灝氣金天西連控點關塞  
寺門俯無際浩與千里對  
王屋飄神旂中條隱沆瀣  
脊橫上黨澹掌見蓮華礙

層層出脩蛾，各各赴襟帶。新霜人來多，朔雪包以外。微風一鵬上，洪濛忽破碎。衛此東周城，勢若互拱拜。都京雖屢易，煙樹尙雄邁。溫洛貫天津，郊原錯黼黻。土中發錦繡，陰陽富圖畫。姬公昔經營，匪徒風雨會。實賦道里均，防禦奧區最。選勝者拘墟，懷古者慷慨。我來盪心胸，始信聖謨大。

宿石樓

鐘落蒼煙深，一燈在高木。伊流靜始聞，雙闕逼肅肅。銀漢挂潭流，歸雲就簷宿。樹低龍門火，犬吠邠亭屋。風泉淒交響，枕簟露香縠。此是寥天一，蒼茫吾所獨。暝踏薄寒坐，山水受清福。殘月出不多，林鳥報朝旭。

觀瀾亭南望三塗鳴皋兩山

古之九州險，三塗望在茲。遠嶂易爲秀，重以清秋時。右連鳴皋山，

勝踏嵩與箕伊河迴驚湍其聲壯且悲桓桓湯將軍百戰戕鯨鯢  
驕帥一選懦肝腦盡蓬蘖碧血自盤鬱橫爲山川姿吾欲弔墓門  
一誦題壁詩崇禎季汾將軍九州戰死鳴皋山下有墓在焉將軍死後題壁詩見明史

謁白侍郎墓

秋草何茫茫陵寢荒白露鬱哉闕口南屹立侍郎墓天地畱詩人  
山川有神助勝境傳招提雅話爭攀附石樓舊風月靈遊恣悅過  
遺詞體廣大公自寫真趣登拜徑巉巖苔蘚欲澀步荒祠誰重脩  
徙倚夕陽樹

再宿石樓

浪遊四十載落落無前因偶爲山中客便臥山中雲信宿翠微半  
一龕彌勒親風柯交泉響星影欲動人涼天簾如掃灝氣隨我身  
庭鶴引其吭邈然緱山聞逝躅念已遠來軫變方新奈何好名者

勒石思下看聊以觀元化誰能絕塵氛城中人倘問吾亦忘茲晨  
之王無波歸武岡

尋秋復驚秋思歸猶送歸垂老客中原况迺儔侶稀子行一何急  
勢若初鴻鴻片淨雲起輕快宛鄧連夕暉相見恨已晚相別甯不依  
都亭把樽酒心逐黃金鞵眼底楓門山到及紅葉稀故鄉雖薄收  
積學身之肥寶穴有丹砂崑崙鳳不飢

九日郭芳田邀登九龍臺

愁眼今朝看客歸登臨何以叙秋暉門生正昇簋興至僧舍休令  
野菊稀龍帶漣流穿井汙漣流在北山多汙流出則爲井爲潭九龍臺井其一也鶴尋嶽影  
破煙飛靈臺阿閣皆黃土長嘯平空一振衣

諸生宴集迎恩寺

寺前雲樹連嵩少座上衣冠萃洛陽四海論文誰老輩百年行樂

此秋光狂依繡佛談偏劇醉把黃花晚更香便與耆英添雅會新  
詩橫寫竹窗涼

羊報行有序

羊報者黃河報汎水卒也河在皋蘭城西有鐵索船橋  
橫亘兩岸立鐵柱刻痕尺寸以測水河水高鐵痕一寸  
則中州水高一丈例用羊報先傳警汎其法以大羊空  
其腹密縫之浸以黥油令水不透選卒勇壯者縛羊背  
食不飢凡腰繫水籤數十至河南境緣溜擲之順流如  
飛瞬息千里汎警時河卒操急舟於大溜俟之拾籤知  
水尺寸得豫備搶護至江南營弁以舟飛邀報卒登岸  
解其縛人尙無恙賞白金五十兩酒食無算令乘車從  
容歸三月始達余聞而壯之作羊報行按此卽元世祖

革囊遺法

緩卒騎羊如騎龍，黃河萬里驅長風。雷霆兩耳雪一綫，撇眼直到  
沃桑東。齧牙噴血蛟目紅，攫之不敢疑仙童。鬚郎出沒奮頭角，迅  
疾豈數明駝雄。河兵西望操飛舵，羊報無聲半空墮。水籤落手不  
知驚，一點掣天蒼鶻過。緊工急埽防尺寸，滎陽頃刻江南近。卒兮  
下羊氣猶騰，遍身無一泥沙印。轅門黃金大如斗，刀割彘肩觥沃  
酒。回頭笑指河伯遲，濤頭方繞三門吼。遣卒安車隴坂歸，行程三  
月到柴扉。河橋東俯白浩浩，羊兮鼓舞上天飛。今年黃河秋汎平，  
羊報不下人不驚。河堤官吏催笙鼓，日餐爛胃烹肥羜。

參軍江五 晉招飲

不記銜盃日，何知此洛京。幾年天海夢，萬里弟兄情。  
北斗心常戀，西州淚更傾。謂少司成朱春浦夫子且當花爛熳，孰禁話縱橫。



王事中原最賢勞幕職名勾稽除吏蠹彫剋卹民耕彩筆揮應熟  
前籌借匪輕材華驚大帥忠實振家聲駕鼓無神驥圖風必巨鯨  
酬君一卮酒同是舊書生

夜聞洛水聲

洛水高秋入夜驚西風吹樹月華明不知流盡繁華久猶作當年  
嗚咽聲

撼石穿橋斷復連白頭鬚客一燈前城烏樓角關何事也送鄉心  
到枕邊

入安國寺

瑤光寺穢永甯侈銅柱金盤轉眼休殘刹尙然留縹瓦居人遮莫  
說鐘樓閒階鳥語差迎客老樹城陰易得秋古記伽藍吾不憶一  
龕彌勒對何愁

洛陽城東偶作

洛陽大道馬如龍，冶渠倡條繡陌濃。  
公子已無爭逐彈，豪家誰與  
麟歌鐘。金人辭月鉛成淚，鐵鳳銷煙劍有鋒。  
放眼秋郊皆白草，卽  
山口落一扶筇。

定鼎堂歌

漢文帝時新垣平言周鼎亡在泗水中，河決通泗，汾陰  
有寶氣，於是立祠候之。史記載周威烈王時，九鼎震顯。  
王時，九鼎沒入泗水，彭城下寶氣浮於水上。秦始皇齋  
戒，役千夫求之，不獲，謂之鼎伏。是九鼎並未嘗入秦也。  
後人據封禪書，周之九鼎入於秦，或遂以爲秦昭襄王  
遷九鼎。又云其一飛入泗水中。昭襄王至漢文帝時，不  
百年而新垣平言如此。且兩都兩京賦，金人猛獸皆銷。

張賦中並無一語及九鼎漢武汾陰所出之鼎當時吾  
邱壽王已譏其非周鼎班固所賦寶鼎詩不過言其嶽  
貢珍川效靈無一字及三代法物王幼學綱目集覽云  
秦并天下九鼎茂聞九鼎乃神器其一飛入泗水其八  
豈甘心爲暴秦攫取耶宋吳淑事類賦引孫暢之述書  
鼎自邾邠後東南移不知今在何處道人商行傳曰今  
在屬賓之陽州雖其言荒渺不足引據然九鼎固未入  
秦散佚各處亦不徒在泗水矣勝國末年洛陽福藩大  
殿題作牛吼震裂鼎現有識者駭曰此周鼎也急築之  
是年洛陽被屠明遂亡邾邠今在北邠山鼎或有伏在  
山下者亦未可知余賦定鼎堂詩遂述鼎始末并作辨  
於左以質之博雅君子

定鼎門西姬公廟鼎中古觀誰爲堂飛簷凋殘縹瓦剝朔風摩栢  
聲淒涼仰瞻碩膚烏几几我公袞衣與繡裳左右召畢作配食各  
飾藻火山龍章魯公君陳兩兄弟端拱秉笏侑其傍鄭康成以君陳爲周公之子伯禽之弟小人生經者駁其非今廟中所塑像從鄭說九鼎已淪神猶在過者考古思成康  
星辰綢繆郊廓底大河滾滾流馨香三翮六翼曰仁器敲雲吐景  
百寶光一壓萬古魑魅死坤軸鉤鑠無披猖我公土中昔相宅車  
書和會來八方王城移鼎鎮大湊圭臺屹立遙相望銷其頑梗煥  
禮樂厚厥惇典恬農桑大川共濟諸公繼保障海宇皆郊疆堂名  
定鼎紀功德如聞援琴歌鳳皇我聞似后荆山錯貢金九牧爭趨  
蹕陶甄元化爲制作赤文綠字同衡湘山川圖籍百物備公膺璜  
紉搜遐荒日移五步人不覺能行能息文明祥洪惟三代傳國寶  
非甚盛德孰敢當壯哉王孫答熊旅褫其姦魄嚴風霜其後七雄

思染指渾臺華廷謀不臧暴秦并吞移共主大社將屋如夏商鼎  
今悲憤一朝震三川雷電扶翺翺巨鼉負戴入泗水口沐月浴天  
蒸與凡萬一挽雖戲語醜壺觚誰提藏金人辭月尙下涕豈肯  
俛首隨咸陽可憐祖龍索不獲彭城駭汗千夫僵汾陰禱祀元鼎  
出藏其臘者有壽王武聖崇姦擅穢造祝融頃刻鎔汁漿俗工爲  
治郭肯躍徒令膏血民命戕或言屬寶行未已其事幻渺何由詳  
又聞明祚將移日大聲牛吼裂北邙得非此鼎在天地世宙時與  
關興亡公之大勲永食報駢牛秬鬯勤烝嘗雖公季嬭銘久佚神  
物况非舊殿廊輕重大小不可考雲煙天海飛茫茫

少室山中夜得山陰吳橡村自大梁見寄長歌並以晉遊

集屬訂時橡村已歸粵作歌書集後奉酬卻寄

與君執手越王臺笑語未斷風吹開羅浮醉揖萬峯月獨折紅梅

出嶺來大江東下。所遇打鼓又拂伊陽樹。誰知五月度太行并  
州君亦依人去。世間恨事那有此。失君咫尺屠兒市。何況風沙七  
聖迷。維陽焉識中。甘里前日大梁客。來謁聞子姓名喜欲絕。玉笛  
橫攜紫塞霜。吹作清冷池上雪。鯉魚西上河冰坼。剖得故人書一  
尺。卻看仍是別離行。上有加餐下相憶。并州苦寒豫苦飢。敝裘爭  
及木棉衣。少陵弟姪天涯寄。炎海相望胡不歸。宋國甯徒珍刻楮  
越人久已尊章甫。獨別中原大洞天。愁煞嵩陽一玉女。桃花冥冥  
飄廣澤。吹臺酒冷春草碧。羅浮翠羽渺南飛。一片匡廬彭蠡白。思  
君不見淚潛潛。抱君詩卷遊嵩山。山中明月二千仞。照見海上故  
人顏。仰視青蓮萬古宅。歲晚茅龍騎不得。九疑老翁笑語余。花農  
名注羅浮籍。三花采采聊寄君。人生休得惜離羣。爲余寄語花田  
侶。先掃麻姑石上雲。

禹州謠

黃霾漫天風焚輪。禹州人市人攬人。大梁東西婦與女。手牽背負  
來駢駢以繩引之。立陋者牙僧嫌且嗔。柔軀纖趾良家子。含  
羞欲進無淚吞。前年歲值一貫。今年價賤於雞豚。凶荒那有正  
僦匹。但免溝壑誰鼓唇。駢徒絡繹晉與秦。騾綱馱載億萬緡。牛帖  
驢券書不用。何問姓氏曾婚姻。滿甌之粥冷銚餅。蒙以褚被累以  
巾。生男刀砧女衣食。化離猶是爺孃身。勸爾登車蹋臂去。何鄉樂  
土非堯仁。長麕翼轂自有地。但勿浪付雄狐狴。殘鳩剩鵠尚滿野。  
邦君何以思拊循。

金墉城歌

隋末李密據此有龍虎臺舊址在邙山下非魏晉之金  
墉城也。

君不見金墉城遙控龍虎臺頽牆石角森北向片片鬬雨摩風雷  
赤狐驚逃黑鳥嘯荒沙敗葉橫天來黑色小兒蒲山公義旗一振  
呼羣雄黎陽其誰奪百戰虎踞欲鏖東都宮翟讓翦屠士短氣卽  
嶺連營乘厥敝艱難出智賁牛角漢書驕不記英雄不能大  
事舉便當識時勢委身事主叛隋叛唐反覆間空云絳灌羞與  
伍謀略全教讓入融烈悍焉能比項羽大福不再古所語熊耳一  
撲如撲鼠吁嗟斯人才可惜直執獨夫失奇策那須惆悵柴孝和  
山東久去徐鴻客

秋日獨遊龍門

秋水沈龍門煙波下陸渾花園羣佛頂石漱八灘根選勝成孤往  
登樓謝眾喧忘機有鷗鷺相對澹無言

聞門人熊東川有蘭州解餉之役



重遠供檄下大司農轉給需能手馳驅繼舊蹤

甲辰會蒲桃在此役

酒羌馬繡鞍此日西傾雨河雲色更濃

聞西陲得雨

重九日劉萃園招同署中鄉友邛山登高

各悲秋在異鄉洛都風景盛重陽雕梁繡戶那能記  
蹋閣攀林味未央公子行厨聯騎致老夫對酒一生狂  
茱萸再把休言憶明日天涯便渺茫

閭烈女祠歌

女名存姐年十三拒暴死父母歸女作人言被殺狀訴  
諸官置暴於法鄉人義之爲立祠洛濱明天啓事

洛陽女兒祠者誰驚風號樹烏啼悲洛波掀天城撼動  
龜鼉如山伏不湧牆垂薜荔堦靡蕪明璫翠羽飛霞裾  
往來過之拜且趨四時往往吹笙簫女年十三拒暴死  
父母歸駭不知以女作人呼隣

某兒女胆被截身不虧已褫仇魂訴上帝人間官府當知之捧還  
父母一腔血上有寒光三尺鐵團團結作栢檀香散入洛城作紅  
雪鄉人感歎淚如雨臨衢高高作棟宇洛波飛黃急打鼓鼓未罷  
祠前竿木仇頭挂

送喬生歸鳴皋

龍門口缺鳴皋補疊巘層崖翠蒸煦春雲飛過洛陽城散作千家  
萬家雨喬生辭我歸省親我誦鳴皋詩應聞素月松風還有否相  
將一訪岑徵君

元正偕海南家蕙亭登上清宮二首

華清降閣事漫漫邱壘神都尙轡盤荒洞翠雲穿泰室大河春氣  
出天壇宮牆盡盡千宮杳鐵殿風生萬戶寒不爲少陵詩句到誰  
摩殘蘇易碑看

傑閣攀躋及早春，冰銷溫洛見枝津。  
客中歲月遊方大，世外雲山老覺親。  
翠栢根深猶伏雪，丹房火冷不生塵。  
炎天枕簟能來否，養拙何鄉有谷神。

安樂窩謁邵子祠

天津橋南沙沒汀，皇極閣前山列屏。  
小雪初催杏花白，春風未放柳條青。  
文章河洛開靈奧，子姓衣冠守典型。  
拜罷五賢祠下立，漁歌樵唱欲徐聽。

南郊訪古三首

午橋莊

有上中下三午橋

東渠水接西渠水，上午橋楸下午橋不。  
有晉公畱館墅焉，知白傳侶漁樵草坡斜。  
照羊羣臥麥隴微風雉，雉驕四十年關天下重。  
老臣憂國豈逍遙。

獨樂園

今名司馬莊

溫公莊地周山北面洛橫伊漠漠煙書局長垂終古業閒身暫乞  
太平年儘教嘉客頻來會況有園丁不愛錢天爲純臣心事表獨  
畱姓氏此山川

平泉莊

龍門山北姚店地

奔沙噴石捲龍門太尉遺莊落日昏萬里海山魂幾返一編花木  
記空存草枯狐跡通穀阪雪霽鴉行破陸渾誰載松風醒酒石江  
南飄散又王孫

平泉醒酒自後爲宋丹陽郡王所荷

同諸子登九龍臺

九龍飛宇山遙天今日登臨意颯然洛水未波殘雪涸麥苗欲出  
亂風顛艱難民命懸呼吸調劑神功待轉旋河海通靈茲并大誰  
能各各抱珠眠

三井洞

洞在洞中

邵子讀書瀝水濱洞前老栢裂蒼鱗山光別放古今眼土室深藏  
天地春注易演疇思往日吹笙騎鶴問何人神仙豈足煩吾輩笑  
岸西風烏匝巾

車中口占殘天津橋歌

天津橋摧怒洛衝龍鶴龜負懸半弓隋都唐苑倏如掃黑色小兒  
燒未了倡條冶葉繁華子人聲馬影東流水傷心之樹斷腸花泥  
沙飄蕩何足嗟洛流閣楸橋夜聲秋風有底訴不平思之茫茫那  
可得策馬一過三歎息

盧介軒太守以和李滄雲學使謁小峨眉三蘇墓詩四首  
見寄索和依韻奉寄并呈學使

鄴下郵詩至峨眉結想同雙旌開漢使三爵醕蘇公氣節尊元祐

才名洽素衷萬安文正墓相望起清風

棠棣碑何在青山戀弟兄人間因未了天上夢誰生風雨尋前話  
蚊蟲過世情作詩聞一笑和感辨香誠

種竹伊川上神遊百歲知才人多野死大節繫人思春俎舉蘋藻

香風長芷離楚辭冠江是宵應入夢灑灑見鬚眉

幕府黃晁客聯吟慷慨深憐才猶異代知己在初心原今作仍作

文游看誰教大雅沈蒿南山咫尺終擬共追尋

吾溪世十弟太史自都門以書問訊

有弟長安寄尺書周南畱滯問何如姓名久落風塵賤經術兼因

旅食疏已向羅浮求大藥欲從少室結精思歸未必同歸去望

斷湘江舊釣居弟將引疾歸里

雪夜飲白生德一宅同馬生錫簡

朔風穿洛層冰吼。少室巖崖壓。邨厚高齋曲榭。那知寒獸炭石煤。  
光逗牖。白生今夕。爲我霑。越酒連罌。進大斗。黃河水窟捉鯉魚。銀  
刀霏雪紅肌粦。鹿獐之炙。來高州箸。不能停。伺其口。馬生拇戰強  
促之。形骸脫略。真師友。兩牛明春計。偕行十樓五樓。桃花明。揚鞭  
馬上。萬人說洛陽。年少新書生。尋我鴻都角。勝地陳倉獵。碣文縱  
橫。雲霄致身須及早。慎勿挽轡隨老兵。我今磊塊老。還有只合放  
歌狂。縱酒三更酣。臥露其首白。生舉裘覆我肘。裂階大竹砮礫驚  
雪片。撼窗大如手。

兒世津省我洛中卽遣往陵川

襲風削雪太行乾。獨踏層冰十八盤。憐汝甫來依膝下。望之不見  
立河干。敝裘寒衲行無苦。土銼蘆簾飽亦難。若過昔年遊玩處。洛  
陽回首白雲看。

得吳稼村武昌來書二首

少室山中夜吟君見寄詩辭梁方隔歲度嶺復何時異地關風雨  
勞生重別離今朝一書到知在漢江湄

愁似中原草相思春又生焉能跨黃鶴飛過武昌城但飲耶官酒  
休思子晉笙涼秋八九月予亦去東京

題丹陽呂使君長嘯飲酒圖

人生飲酒當在煙水鄉或對大江三山之浩洶或泛曲阿練湖之  
渺茫長天洗秋一百里明霞散錦楓微霜不然置之高梧修竹裏  
盤白石兮俯流水左擁尊盃右圖史山僮捉甕厨孌膾鱗傾鸚鵡  
螺吸黃支兕秋風淋漓出十指睥睨俗世果贏豪三萬六千揚其  
一矣呂君材名雄什伯風雅性情酒魄力河塵瀾洞挾琴書中原  
老作諸侯客楚狂狂遊醉更顛乘月痛飲京江眠

乙亥客潤州十日京口對月飲



酒作前後  
飲酒詩

每逢高秋思東下夢中只上丹陽船  
揭來識君卻陽道

論文讀書相傾倒酒邊示我飲酒圖  
使我老羌渴唇燥東都舊豔

河陽酒糟邱樓在天津西清伊溫洛  
走長鯨三十六峯青入牖君

詩界兀寫其間白艸荒原莽回首憑  
今吊古總徒然剩此平生杯

在手蟹螯膏老鱸魚肥蛤蜊出麗黃  
雀飛四角菱壓珠纍纍江鄉

風景甯依希周南畱滯有底川欲訪  
酒徒從子歸吁嗟去住難爲

策且共醉歌拓金戟更乞君甥圖作冊

君甥材珠  
崖善繪事

### 兒世津旌里

挈汝嵩山返匆匆又看行艱難兒女事  
畱戀友朋情別淚安心創

征帆逐夢生無須牽袂別旅食尙崢嶸

### 送袁英石之運城

舊縣誰裁潘岳花故侯難種邵平瓜  
千場縱博那能進十畝依人

聊作家青綺一辭同放浪白頭相見未純毫河汾弟子遙迎久日  
著經書樂歲華

送高春巖還嵩州寄訊何明府

陸渾莊前花未稀陸渾山下行人歸紅燈綠酒不留住白鳥孤雲  
相趁飛好聽鳴皋松滿壑未妨說略雨霑衣因風寄語何平叔幾  
日尋余到洛畿

蕭縣任司馬果訪余寓齋將之都門

甫接桃林信一函驅車真到邾山南侯門不載黃金橐大海空燒  
玳瑁簪未必遺經能訓詁何曾歸計得耕蠶酒邊語我長安樂西  
望知余笑亦慚

逢劉三百川

老大存肝膽雲霄息羽翎何妨劉毅博誰識蓋公醒草檄能隨馬

談經早識誕明珠將十斛莫惜嫁娉婷

吳山詩集卷三

男姪

聲有普孫啓

裕幹

光

如泰

沃

豐校字

紫峴山人詩集卷二十三

湘潭張九鉞度西著

姪孫家林重刊

洛中集下

乾隆戊申己酉

初度日避客晉南別業諸生載厨傳以從卽席紀事二首

意氣滿天下老居嵩洛閒避喧常出郭餽壽不開關古佛聊相對

吾徒任往還石樓風月近良會又香山

去歲是日郊生芳田載酒遊香山寺

打破浮生夢鐘聲出院遲迂疏成謫吏鹵莽作經師樹底移厨穩

花閒捉席宜雄談堪永日利鈍豈錐錘

末用鹽齏永和中山思歸詩事

重九日上清宮登高首唱

柿葉微霜雁信催出城長阪見樓臺重陽風日天仍好上界雲山  
客再來但使旅懷同放蕩了無觴政任喧騰翻思直踏蓮花頂攬  
盡中原灝氣迴

洛中秋日雜興八首

風雨出函關，秋聲滿郊山。孤蹤天地外，百歲歲時閒。等戶寒蛩入，依林倦鳥還。黃金飄散久，不厭壯夫顏。

萬里豪遊客，衰年倚故人。吳公方在洛，景略未之秦。河嶽雄詩膽，乾坤縱病身。此中多古意，差可慰羈貧。謂刻也

策杖却垂望，商風浩浩開。孤雕盤日上，高馬踏秋來。天靜烽無警，時逆回時平角不哀。登樓休作賦，久薄仲宣才。

北斗懸城直，明河貫洛深。荒寒千里雁，斷續萬家砧。兒女疏生計，尊鱸阻寸心。捲簾邀月影，聊與伴低吟。

幾剩青門柳，蕭蕭落照閒。殘蟬猶自咽，短笛任他閒。別爲春風苦，愁誰去騎攀。旗亭搔白首，寂寞問雙鬟。

亂葉下嵩室，三川寒有霜。敝裘常狎老，濁酒尙憐狂。大府無諫刺，

京華少報章黃皮思縛袴跋扈少年場

欲訪任公子高將衛叔卿命天吞太白

他本作瀨仙掌俯成京婚

嫁緣非了登臨計未成青鞵資早贈慚負友朋情

其任國明府

未

萬古曾懷瀉秋風走大河邛龍西折處祇柱鬱嵯峨白日楚幽鬼

中天踏怒雷吾將收灝氣旋轉入詩歌

他郭少升

### 漫成四首

蘇季城東宅黃金瘞亦愚

伽藍記載高僧居城東金千斤以建招提平生就富

貴抵死讀陰符那得田園廣終爲陷阱驅可憐談易鬼能感士衡

無

彌望皆秋草蒿邛浩劫多營荒空夾馬巷山沒銅駝碑碣勞搜取  
煙雲笑放歌金人流淚去誰復更摩挲

妖鳥啼枯樹金蠶出故陵徒耕荒苑麥不問闕宮燈天意懲貪侈

吾心感廢興宣陽門外路錦罽是誰證晉徐景於宣陽門外拾錦

掘寶周宮歎搜珍洛井誇懣陵無鬼物揚簸豈泥沙市僧裝綈錦

侯門走鈿車秋風飄散後流轉入誰家余客大梁有周官掘寶行

坐洛濱王氏別業九九山房題壁示塾師張生式訓

洛陽名園係盛衰書生之論何太卑農桑國家大根本分疆畫井

猶畱貽公田私田有限制豈敢攘奪為亭池崇食府怨注土木鋪

張弊俗奚以為東都膏腴始天地姬公宅中民其父陰陽風雨籓

會和豈為季世遊觀計漢家苑囿妨農功主第王莊踵增麗後來

表廣三川閒盡興營建田廬廢民游土曠盜賊滋一例榛蕪誰感

喟我

朝承平百餘年濱伊夾洛咸陌阡近灘最沃號井地輓轡日夜看

轉旋縱橫溝洫交劑注每畝金錢四十千望之方罫錯錦繡亦有  
果實垂華煙我來九九山房坐荆籬茆屋花環墮玉案青浮菜甲  
肥分行接眄無巡邏鴉聲輻輳車牙牛驢銜尾如旋磨少室黃  
華隔岸來洛波綠淨不可唾荷衣子弟抱冊多泉響書聲愜清課  
太平富國土中殊始知安靜謨猷大昔人論政去害馬但順其常  
足田野近聞欲濬穀水渠澗澗交流舊傾瀉得毋剗傷耕鋤或  
致洪波亂開摺太守履勘持論平勿勞民事憐孤寡有欲重開穀  
水渠引澗水  
通澗以資旱年灌注是應穀洛關及漢魏陽渠衝  
決之害淑菴太守履勘詳議不行洛城民賴以安讀書弩力報  
昌期更語吾徒授經者

偕左曉山登城樓望少室

何以爲君贈城頭少室雲遙迤開宿雨突兀倚斜曛玉帶中峯束  
香爐絕頂分倘能勤蠟屐秋爽逐鸞羣



引河曲

河南州縣一百一今年分段挑引河黃符雷電旁午下車馬馱負  
誰延俄歎山飲野丁役集嵬趨蟻附肩相摩平灘濶浦立廬棚萬  
竈駢列如星羅中宵燈火二百里燭龍燒焰逃鼃鼃長天樹表紅  
旗插一望迢迢風獵獵小官走渴大官來赤棒兩行紛駁還揮長  
鑿今舉短鍤高邪許兮低和咎濃雲屯陣合復開亂結晴霞錦重  
疊桴簰飛運各爭先頃刻凌空阜岌嶮祇愁泉汴水車翻前隊防  
他後隊壓朱堤堆岸光粲粲程功奮取好男兒傳餐合食氣如虎  
小飯大歡肥牛肌金堂貝闕石眼底安用磬鼓頻催爲宿胥長壽  
津如一醺口濬身能事畢碕岸何能觸怒威虹隄佇見防奔軼昨  
朝使者下艤牕水調一聲順流疾合龍屈日紛紛歸三川九塞生  
光輝敲鋤唱比鏡歌曲不是宣房瓠子辭述之鄉里酌酒慶

皇恩覆載無偏私新河從此安瀾好爲語經營期及早刷沙排澗  
賈魯言遠慮深心非草草治河當效斲文襄憂國精誠格蒼昊

合龍歌

千金營一場萬金捲一掃鋪梢芟索重邱山貫竹緹麻力騰趙縱  
橫長笊壓不掉壯夫躍起宣大號合龍嚴限霜降晨是日下埽臨  
元臣揚旗鞞礮擗大鼗烝徒叫呼霄漢聞朱龍黃龍爭牽曳金龍  
執斧黃錦裙百靈効職自鼓舞何須掌現藍將軍黃龍神廟旁祀一像貌猗而藍  
掌曰藍將軍云下埽時身投埽口死龍卽合河身十丈埽百丈霹靂爭馳迅湍讓衝風  
不燧霧不起一壓狂蛟青州死新河逶迤循深壑客水全消大澗  
卻羣星湧下雲梯關洪澤清淮皆束縛合龍兮合龍豈繫人力神  
之功上公歸朝報

天子龍神增祠額屢屢明年伏汎埽不傷諸君弩力爲隄防

言溯源太守自廬山以書見寄二首

死生四海弟兄餘喜見襄陽太守書  
少日文章爭藝苑何年風雨別僧廬  
江淹才盡真堪悔李白詞雄恐未如  
來札有江淹才未盡李白氣猶雄語頗壯  
挑起寒燈不成寐巡簷搔首更躊躇

八寸仙翁雙臉霞廬山籃筍尙湖槎  
三杯白傅詩中酒半幅王翬畫裏家  
舊別飄零愁雨雪狂遊鹵莽笑雲沙  
明晨便欲挈舟去拂水巖前共醉花

答吳門黃妙巖司馬見訊之作

不載黃金壓舳艫聊提鉛槧越江湖  
尋花澗水還瀝水騎馬周都與漢都  
客裏姓名羞入世老來詞賦賤爲儒  
輸君一合萍蹤後穩釣吳淞四十鱸

送家慈亭之潤池

西行袴褶躍黃驄馬關外民請武帝移於此而命函谷新穿漢壘雄函谷關乃漢元鼎時楊僕家僱築之也郭丹封符亦在此符棄郭丹思壯士關移楊僕笑家童才多也涉針砭術老健何妨飲啖工夙慕蘭君豪氣最會盟臺在夕陽中

初春往大梁作

愁心似春草一夜生中原雞鳴戒行裝轆馬騰且喧僕夫問何之我亦無前言太華不可上終南不可捫周南苦留滯歸計勞夢魂酒壚尋吹臺壯士訪夷門汴柳欲生稊河冰漸已溫白日大浩浩聊以散幽煩

什谷

雪盡洛波澄驢背大河出彌望五社津剡剡麥抽日頻年赤地燠過客心怵慄茲晨好風光婦子嬉土室平生萬里人遊事老未畢

謀生尙鹵莽躬耕乏專壹煦沫詎足戀勞心亦宜恤不待思專恤  
誓將返蓬華回頭語兒童新學祝雞術時津兒至洛

### 汜水

汜水古成皋城居車箱口扳斷大河開雄風無時吼連屏二廣武  
虎牢踞其首危梯削層霄壁惡樹蚰蟥羣峯霜氣慘倚伏斷臂肘  
鄭人不知險徒讓諸侯守犧牲待境上戎馬時深轍秦王用奇師  
牛口嶺被誘血戰駭長刀天地各色愀一組繫其頸易於屠豕狗  
山頭紀功碑仰望懸青魴地同丸泥塞關若鍵籥牡商洛藉聲援  
雍豫交戶牖蟠空蒼鷹掣啄上老鳥走憑陵聊快茲清時靜刁斗

### 廣武山

黃河挾沁流浩洶欲走南廣武扼束之誓伏無敢食三皇連京索  
峯銳攢劍鐔犬牙望砥柱犄角爭峭函前臨龍戰場中作虎穴探

迤邐成皋坂綫縷深轍車不得方軌詎可施兩騄包羅地昏黃  
碎坼天蔚藍往來互叫嘯崖草風毳毳如虎鬬勇勝如螺吐甲食  
鬼窟愁詭曲雷鼓駭巖城郭隨勢緣亂插碧玉簪其頂平疇多  
麥氣蒸春嵐天險與地腴雨兼信無慚古之英雄人老謀敵乃戢  
高據天下勢俛首皆子男嗤彼鴻溝割都雍恃章邯

### 敖山

秦之敖山粟隋之興洛倉聚而不知散徒以資敵糧我過敖山下  
劉項思興亡據粟包甬道右臂斷滎陽關中得給食轉戰軍益強  
茲倉本敖氏得毋暴君攘築城以築怨焉得同金湯又聞宣曲吏  
乘時厚窖藏金玉收羣豪四野飽宿糧富人國元氣自古不可傷  
緩急備有用官師慎無忘

### 圃田

中牟  
西北

職方豫州敷厥惟圃田澤十數列爾雅雲夢具區垆甫草蕃周狩  
原圃壯鄭國八澤廿二陂漭沆芰荷色茲地近滎陽濟水溢自昔  
伏現雖不常泉源濬可力誰將禹功壞醜渠鴻溝圻漢闢汴流寬  
宋漕通南北黃河遂衝突風沙變淳斥中餘蹄泐微日夜鳴漈漈  
偉哉中丞公秋帆先生撫豫奏開渠河南民便之閔心賈魯跡深浚其碧溝廣搜旃  
然脈既疏支節壅復解咽喉隘商船走毫末挹注無離邊水利民  
命資膏血寶涓滴春冰碧瑤漸新柳布帆直野趣仁可就扶欄坐  
盤石

自龍門夜渡洛歸得熊東川自蘭州苦竣旋陵川書並詩

二章

月出洛城頭城邊洛水流還將故人照飛夢下并州王事勞重戚  
詩篇遠更投西陲屯務大待汝富民侯甲辰予客東川署中

乾隆元年余隨家君館澹津韓丈坦齋名勗山寺後宦遊

南北五十年不相聞昨有河南府參軍韓姓來謁則丈

之嗣孫也有感曩事賦詩二章贈之

舊事家猶說一作傳書生老尙存人琴悲兩世瑜珥一作瑤珥見諸孫

浦蘭連曉河陽酒滿樽誰知羣紀好重結在中原

五十年前夢書燈積翠間苑喬知貯硯謝客定餘山家世宜重振

功名莫放閒譚經勤道從何必不鄉關

得蔡芷衫消息二首

聞自武昌返仍居邗水涯今宵好明月夢過長風沙經訓門生派

文章父子家揚州岑寂地新興發瓊花

一辭彭蠡樹五臥少嶺雲采采三花樹何由遠寄君歌詩畱雅韻

觸篋見雄文縱有遙枕合難禁清淚紛自武昌別後  
惟詩篇往來



朱生士吳攜家具櫻桃溝邀同鄒旭齋劉翼五超五及兒

世津飲樹下分體賦詩

櫻桃溝俯渥河流窪稜雲鬱天夷猶主人載酒後先出邨坂緣盡  
開栗畱廚煙溢岸人不見草洲但散紫花驪轉村細葉蚓糾結駢  
叢鐵幹蛇蚺蟠團團廣幕覆到地暖露疑雨涼生秋蠟珠浮空千  
萬顆倒燒潭水蟠楨虬胷衣礙帽低更密八寶瓊瑤釵垂鈎天光  
稍開捉席正輕紅驚鳥時墜頭瀉之入酒臙起乳珊瑚搖動冰莖  
甌歌唇小破雪欲化老饕藉潤衰顏柔騰觚釘盤督觴政勺圓在  
掌爭藏鬪君不見三年大小溝中樹枯萎過半無來遊今春雨雪  
得沾漑薰風滿市堆笮簪主人花騎催酒至飲不爛熳何以酬仰  
看微物鬪氣數一飽已足消羈愁

拾棉曲二首

三川棉花之利贏於粟麥拾棉日四野如雲儼入圖書  
洛俗許河北貧婦女拾其零星遺棄者近來頗成爭訟  
官府設法逐之余因用張王樂府體作拾棉曲述土風  
焉

孟冬朔日天暄和黃雲飛雪棉桃多嶠邨聲浩五百里高下原隰  
花駢羅種花早與清明近鋤花莫誤黃梅信打心三伏去雄枝熟  
在霜前摘宜趁種清明鋤黃梅打心去雄枝見羣芳譜傾村婦女蓬頭出澗袋深筐  
急採撈花繁露重指不停但畏寒風催短日葛麻喜濕棉喜燥南  
北農家珍地寶洛陽女兒白氎機不羨松江說黃媼今秋棉花三  
倍前家家堆滿黃金錢祝天明歲多春雨莫似枯焦辰巳年  
拾棉野外來紛紛渡河婦女笑語羣儂家住河陽縣土不宜棉  
瘠又貧三川自昔稱花國斜坡狹澗多狼藉天公衣被遍蒼生地

主何須分畛域洛陽風淳人好義道秉滯穗寡婦利盈穰盈何足言尺寸絨紗皆活計相呼相喚早渡河天寒日暮多風波無勞官府爲驅逐但願年年花實多

前詠三川采花之盛如行圖畫此寫洛俗之淳毋分畛域訓詞深厚可使洛人歌之靈巖山人謹跋

弔詩人尙無尙墓

無尙名學孔以字行直隸人康熙年間游洛遂居焉豪於詩不蹈襲前人破屋三間采蠶自給無妻子汪舟次太守贈以金不受歿之日以詩集付其友劉洙孫扶蒼曰此卽吾嗣也二人葬之北邙山題曰詩人尙無尙墓太守金誰卻騎民道自尊盧仝如破屋賈島卽唵魂窵歸天地詩篇作子孫來澆一杯酒寂寞北邙原

盧仝二君皆范陽人洛者故以爲此

周玉圃攝汝州篆書來酬之以詩

汝州城頭少室霞霞中九頂青蓮花蓮花濛濛一宵雪汝海銀沙  
凍明月汝州刺史東婁來木瓜花下曾銜杯杯空去作太行客誰  
識渡河栖少室一書飛下天門頭書來卻在望嵩樓約我琴臺同  
望雪龍門磊砢愁行輶聞君汝帖十二片我欲搨之悵無便雪銷  
寄我少室山仍似東婁同把卷

雪行平樂道中寄郭堯臣

老骨敵寒威車衝朔雪飛芒龍藏露密雒鳥點冰微來往因文字  
嚴和識化機正思郭功父擁卷閉荆扉

臘杪偶成送家慈亭歸海甯二首

垂老同爲客殘年獨送行還鄉原暫計訪友更多情  
白髮爭身手丹心向弟兄輕衫來往路只夢洛陽城

南陽先頭太  
守書招度歲

匹馬萬山雪，搖搖向宛州。知交新卷帙，行色舊貂裘。但訪躬耕地，休登作賦樓。殘冰春二月，漢水正東流。將訪沔陽何大刺史

新安片十四寸田訪予少室山中三首

耆舊中原盡，河邛尙鬱靈。孤心向誰赤，老眼爲君青。魄力傾餘輩，

芳華漱六經。石渠相待久，何以在巖扃。劉淑菴將邀入幕府

滅刺誰招致，飛箋壓座賓。寸田遇施太守事仍披周黨服，不染陸機塵。道

重經儒老，才多公子貧。丹砂飢鳳食，寶穴尙嶙峋。

忽爲衰翁至，城冰印屐融。寸田不列洛城者十一年矣座瞻仙縹緲，琴識客英雄。

交晚心何恨，知深氣早通。休言入山好，洛郡有吳公。

題蘇若蘭小像應何文伯

新人織縑，故人素長說。新人不如故，千金買舞萬金歌。故人其奈

新人何，誰傳錦字襄江湄。一夜陽臺收暮雨，峨眉謠詠枉工愁。禮

義持防能去蠱香閤八寸璿璣辭縱橫五采交陸離慧腸轉盡駕  
針澀月影蜚聲欲怨誰金輪作記通精解七圖讀者繁珠琲起宗  
讀爲七圖得後爲問容華猶昔否悔過回心感格深自愛斯圖展在手仇生粉  
詩三千餘首本人煙塵秀鬢明時滄出真好尋文字通靈處一想英靈絕代人

偕郭生懋華登白馬寺清涼臺放歌

西風入臺臺吹開前者何朝營壘破樓殘堞東西遠近森隗隗  
耳怒流噉其下殘冰轟石輓奔雷伊川黃華浩呼洶似有金戈鐵  
馬袞袞荒煙落日之中來後者何王陵寢辟邪臥溷鳳凰橫階傳  
聞石羊走瞰夢土人驅立溝之涯玉覺銀海鬼爭覓四時魂魄鬱  
作黃河埃雨不能爲之泣風不能爲之哀吾不知西方神人操何  
法術闢何功德夢發漢皇經迎中國此寺此臺流傳煽惑牝后侈

綵彤闕豎爭欵絕增則臨天心像則剝山脊金盤寶鐸三十重繡  
珞珠燈一千尺雕闌珍檻扇風流天女雲花恣充溢祇園稱以英  
雄門石徑毀作鬼神壁沈沈孽夢醉不醒國空庫藏地傷脈一朝  
殲騎飛踏河烈炬血刃相剗劓紛紛寺尼奪女壻佛汗洗面啼滂  
沱雒陽慘劫惟淨域飛鳥不過邛山阿至今伽藍記中豔稱還在  
否請看鬘宮松栢長嵯峨郭生吾與汝膾陽渠魚酤河陽酒摘騎  
省秣剪金公韭狂歌拍碎短闌干灝氣三河莽回首彼摩騰竺法  
蘭臺前朽骨亦何有徒餘村犢耕山獸吼寒鳥啄駭鹿走

宏農王復齋觀察以公事由商州轉至長安數月歸過齋

劇談

攢天熊耳兩峯高路轉商顏迫緝柴豈有游魂稽顙幾何曾餘黨  
數逋逃往來藏事求無忝主客論功信所遭歸過荒齋譚藝劇泥

塗猶染舊征袍。

王充廬學博過訪以篆法聞時移家嵩縣

秋鴉瑟瑟噪庭柯有客停車初渡河  
渤海尋人空鬢短陸渾移宅  
爲花多久拚故侶長飄散  
睢州湯氏兄弟且作新歡一醉歌  
老去更工秦篆灋齋中素壁看如何

同年單野甫明府以夏雲客所畫山水幀子索題

昔有偃師邑侯夏高密禦賊守城功第一  
銜刀壯士五千人桴鼓  
親提嚴紀律我搜荒棘孟津碑  
邑乘光芒爲補述  
維陽單侯席上  
賓布衣岸幘夏侯孫訪友不辭重  
繭至梓鄉文采承清門畫傳北  
宗雄俊派奇樹參霄石透根爲侯  
花著勝潑墨明窗活火寒威釋  
青天飛墮李營邱湧出煙巒一千尺  
古來長幅工者難疏密參差  
皆魄力單侯愛畫更置酒玉鴉  
義展不停手肩得雲山句  
暫新得



雲山入雒陽野甫自題畫句誦詩看畫彌深吻我亦青鞋布襪人蕭然欲往徘徊久杏花二月楊柳稊夏君將訪潯溪湄故老猶能指舊壘滄桑雖變存遺祠歸來淋漓圖二室更乞單侯一詠之

爲新安呂寸田題楊節婦劉氏傳後

女養壻家非古禮末世從權貧故爾十三年後縱迎歸皎然名分同生死紛紛禮典相陳說此事難爲腐儒決憤趨新塚拜冠弁浮議一朝皆斬截勇哉此婦巾幗豪栢舟何慚幾兩髦呂君搖筆作長傳讀之颯颯風吹袍吾曹不能作史職健筆天生賦奇魄風雲月露笑雕蟲枉使千篇蝨糧擲不見洛郊山月溪霜苦白髮寒燈響機杼

劉翼五超五兄弟將之大梁予與朱生士英鄒子旭齋捉席紫荊花下歡飲竟夕朱生贈以詩予亦因韻和焉

傾此一壺酒東西溝水閒我今亦不仕騎馬入峭關莫折亭前柳  
相思河上山隔春相見日知未鬢毛時予亦壯永

覓董文學金剛友漢堂家法辨於其家不得

周鼎漢石經光燄騰中天却風傾吹之飄散爲雲煙漢闕存僅三

剝蝕畫不全鐵絳無懸梯孰攀少字進士語金漢碑

四千餘仞非鉅萬工西京數百碑削仆跡久湮徒令好古者按冊

神茫然雒陽董文學六書障且研搜尋金石宿銳志行勝纓懷餅

栖崖厥燒枝煮礪泉荒陵出寶衣敗隧拋珠鉏獨此久沈埋歲月

勞朕胼兼金易井幹囊粟收銘甑往往遭居民詣逐聲喧闐所得

片貞珉藏弄無棄捐藏於家府夫人碑置存下地當

時友漢堂草廬僅數椽插架堪圖書墨寶香邈綿如今亦零佚斥

賣不計錢所著篆法辨討論窮奧淵同異毫釐間稽考信不愆字

內嬋雅儒質證馳雲箋吾欲倡鈔之木屐踏屢穿云持宛鄧行帳  
望情迫煎六丁搜奇文神鬼愁雕鐫書生苦心血不得壽一編物  
聚必有散趙璧返何年徒餘零紉弄搗歸藝林傳余得友洪曹全  
史最等  
并其八  
分飛白

洛陽董松園與子辛酉貢成均松園歸里下世三十年遺

孫奉祖母以居呂寸田攜之來謁感作

闕下何人薦董傳

用坡公贈董傳詩語

范喬遺硯擊猶識

李密陳情讀可憐脩謁荷衣欣雪後聯行席帽恍燈前呂君亦有

潘楊誼不入東都已十年

呂爲董氏門  
婿今始相見

兒世涉以藩參軍赴黔中示之以詩

吳風征馬嘶雪霽洛陽陌送兒西南行我轍亦向北有家無計歸  
萍梗各爲客微官便省親快聚情誠得牽衣休踟躕此去宜努力

黔中我舊遊三十六亭驛來往諳土風約略述邊冊其一爲蠻夷  
叢箐聚窟宅刀耕而火耨草衣而木食此輩素恭順輸納遵符籍  
狡焉漢姦入連雞煽助逆禽獮草薶餘久已繁滋息孰非天蒸民  
孰非

國蒼赤禁吾胥役擾使彼事耕織其一爲逋逃四省錯疆域山林  
甌脫中出入幻不測治卒與烹丁豈無私溢額恐竄入峒溪更潛  
肆毒蠱當循保甲法使不得藏匿其一爲坑塲三品宜充斥鼓鑄  
資司農採辦況絡繹其他遠商車利亦筭緡獲嚴以防影射寬以  
慰離邊毋貪潤脂膏家世守清白三者爲綱領餘事細考覈倘能  
荷驅使前箸可請借積方伯仁和公藝林文章傑溫良富訐謨鎮  
靜揚威德汝獲侍左右弱植附松栢勤勞酬禮遇方不愧幕職同  
寅宜協恭遇事戒粉飾鋒鋌露必缺古云謙受益汝兄相隨往

世淮

飛鴻整羽翼毋撓溫清念有弟奉朝夕世七十予始壯飲啖雄猶  
昔名山多夙緣處處待履舄經術老猶勤未盡文字役觀政有暇  
來再題飛雲壁

男如泰沃  
姪聲有普孫啓豐校字  
裕幹光